

928
ギ
2

漁洋山人精華錄



漁洋山人精華錄卷三

門人候官林佶編

古體詩

省州謁三蘇公祠

祠即故宅今為省山書院

墓頭山色腴不枯
玻瓈江水如醍醐
眉州城郭劫灰後
水濛濛成榛蕪
郵亭下馬詢老卒
蘇公故第城西隅
旋來束帶薦蘋藻
辰良何必煩神巫
徃者此地鐵腳亂

順治初有賊據眉號鐵腳蠻

高門大宅皆焚如此祠
歸然誰所作維公大


節驚頑愚雙柏輪
困溜霜雨廷立冠
劔古丈夫長公遺

像龍眠筆馬券剥落涪翁書

祠有石刻龍輿畫東坡像頰濱贊又坡書王鼻驛券山谷有跋

殘碑

插笏尚林立紫藤碧蘚纏
龜趺祠西一水最蕭瑟
經霜菡萏猶扶疎
甘蕉十丈覆簷雷
落花亂迸紅珊瑚
當年



結搆不草草要令咫尺成江湖故園如此不歸老與人
家國徒區區瓊儋雷藤歷九死口甘熏鼠隨猿狙頭網
八餅有何意枕榔萬里非吾廬兩公神靈未磨滅應翳
白鳳遊清都遊戲下界亦聊爾鯤鵬豈必捨枋榆眉州
玻瓈天馬駒陸務觀詩句玻瓈春眉州酒名酌公三酌公歸乎

登高望山絕頂望峨眉三江作歌

四海復四海九州還九州河伯海若更相笑蝻蛄何足
知春秋今年辭帝蓬萊宮乘風偶作西南遊中條姑
射不足數失喜太華揚高旒河潼遠坻巨靈跖鈎梯百
丈臨龍湫終南太白幻雲物秦棧詰曲哀猿愁錦城小
住五十日岷山秀色垂簾鈎青城玉壘尻首接灌口屈

注雙江流興極欲蹋大峨眉卻騎瘦馬來龍游嘉州罨
画枕江上孤峯縹緲東南浮神霄玉清有遺跡登臨可
以消煩憂躡泥盤盤到絕頂江山披豁開雙眸峯巒八
面簇金碧下瞰江海如浮漚八十四盤在衣帶氣凌五
嶽驕公侯暮雲早雪忽明滅兜羅綿現無時休岷江從
東來奔騰迴萬牛沫水滙青衣簸蕩千斛舟三江九峯
條然合丹崖翠嶂窮雕鏤江山奇麗冠天下何意絕景
來蠻陬天風蓬勃日西墜搔首欲去仍淹留荆吳萬里
自茲始來朝起柁尋巴丘

叙州流盃池瀘州使君巖皆山谷先生舊遊都不
及訪悵然賦此

憶昨登凌雲江邊蹋亂石興劇罷鞍馬逍遙散輕策徑
危草露多處處見虎跡東林雨新霽初日射青壁浩蕩
三江流安穩平如席西笑揖峨眉遙連雪山白酒酣掛
帆去矯若生羽翮心知流盃池遺跡在巴楚俗物敗人
意文臂輕一擲今日使君巖南望還咫尺通詞託微波
蹇修空脉脉平生一瓣香敢為涪翁惜如何萬里遊虛
此幾兩屐回首望南雲蠻江日將夕

西涼神祠曲

在合江縣符堅時呂光討李馬之亂至此土人祠之陸務觀謁祠詩我雖不識神知是山水人不敢持笏來桓獨整

幅中似未詳本末賦詩正之

長安氏王頭有角東掃鄴宮西定蜀西域校尉婆樓兒
勒銘直到岷山腹功成振旅咸陽中萬里玉門旌旆紅

三十六國拜都護酒酣作賦龜茲宮甲乙讖成苻氏滅
魚羊食人日流血黑龍晝劫姑臧城坐制三河亦人傑
少岷山下岷江流西涼廟貌凌高秋山頭龍出作雲雨
神靈襍沓風颼颼烟消雨散渺何許靈欲歸子瞻容與
船旗獵獵西北斜落日陰房竄蒼鼠

岑公洞

岑公昔學道遺跡空山中洞門界飛流白日生雷風石
髓無古今鍾乳盡玲瓏巖泉日穿穴點滴成窪窪中央
若累棋狡獪造化功頽竈倚青壁中夜丹砂紅睠彼遺
世翁於今悟參同壁間題字人歲月何匆匆巨碑亦笏
立文詞覓豪雄中間岑襄州頗擅語句工豈其南陽裔

源流故難窮此洞與魯池望望江流通昔是仙靈宅今
為豺虎叢太息下山麓風健孤帆東

元符間岑巖起象求虛鑿
真人贊一碑李薦文叔所書

岑洞魯池今皆為
侯家所有

登蝦蟇碛

黃牛打鼓朝發船碧波白鳥爭清妍迴首名山大川閣
烏尾已撥西陵煙三峽欲盡尚迤邐云十二碛紛鈎連
頗聞中有第四泉康王谷水差隨肩峽窮碛轉詫奇事
忽見飛瀑流琤潺爬沙終古此巖側青冥無路誰黃緣
江風吹笠冷毛髮峽雲挾雨鳴船舷大索瓶簍貯飛雪
旋去履齒窮危巔橫斜拾級一徑上藤梢橘刺相糾纏
斂炮槎牙澀苔蘚清泉百道爭涓涓陰洞終古闕白日

神漢噴薄鍾乳堅石壁麤惡艱礪錯題名豈辨唐宋年
永叔涪翁詩不滅誰為好事重鎚鐫名山蒙頂壓顧渚

蒙山系出
蜀名山縣

春芽開裏勞烹煎

山谷詩巴人漫說蝦蟇
暗試裏春芽來就煎

下巖轉舵未

忍去下牢關外斜陽懸

昌黎詩爬沙脚手鈍
誰使汝解鱖青冥

欲訪三遊洞不果

舟下十二碛西陵遙在目江雲峽口多碛轉猶千曲悵
望三遊洞靈異非一族石鐘卧蒼蘚唐碣迷深竹緬懷
長慶人一往遂不復斜日下牢谿依依為誰綠

潁亭

青山圍潁亭下有清潁流石瀨何淺淺力始勝方舟金
沙映素條策策千萬頭斜日照冰雪微風矯輕鷗側身

望終古企彼巢與由糠粃鑄堯舜心與造物遊不逢掛
瓢人北指軒轅丘

廣武山

朝登廣武山四望古戰場黃河決潁流寒日無晶光孤
獸索其群驚鳥亂無行平沙轉飛藿白骨堆嚴霜昔者
英雄人於此分霸王強弱理無恒得失爭教倉名騅蹶
陰陵萬乘入咸陽東指芒碭雲五色成龍章大風沛上
來遊子悲故鄉

新鄉望蘇門山懷孫鍾元先生

朝來衛河上遙見蘇門山蒼翠襟諸嶺清涼分百泉緬
懷松舟趣長詠竹竿篇及茲限跬步擊汰失黃緣遙憶

彌臺翁山中方晏眠兒孫繞膝下洞壑當門前茶臼隱
修竹蓮舟隨稻田少年任豪俠白首此終焉無由逐高
鳥矯翮青冥邊

徐五兄自號嵇菴

我慕阮步兵君學嵇中散平生竹林期鳧鶴誰長短君
抱出世姿夙昔薄軒冕彈琴聊自足採藥忽忘返且復
龍性馴兼之養生善嗟哉雋傷道斯語君知免獨應七
不堪彷彿嵇生懶我本澹蕩人早歲頗任誕一聞如鸞
鷟自顧為人淺廿年嬰世網歲月坐晚晚徃徃逢途窮
痛哭迴車阪深慙至慎言薄俗誰青眼永懷素心侶詎
異平生換空傳周僕射遠欲希嵇阮

江正庶角膠墨

梅淵公所寄

深山五月中庶角暖初蛻取作黃明膠良工妙調劑黃
海松萬株壽者幾千歲古屋收輕烟萬杵功不細易水
渺已遠潘張復誰總歛州有江正妙絕擅斯製故人庶
衷翁愛我一九惠老無喻糜賜研田蕪不雜晴窗手摩
掌風日忽開霽袖中官奴帖飛動苦難逮牙滑剡溪藤
熟視空睥睨啜汁亦復佳為君掃文字

戴嵩牛圖

一川蒹草烟濛濛曉來雨過開牛宮三尺短簷兩轂鯨
午陰掉尾嬉涼風一頭摩角一頭齧寢訛有態何其工
江干笛村老烟竹橫吹髣髴穿林叢綃素慘澹神理在
是耶非耶傳戴嵩田家風物宛在眼但有耕作亡兵戎
我行峨下踰萬里青衣江上平羌東翠藤紅樹亂烟雨
風景略與圖中同一從羽書急滇海甌粵秦楚交傳烽
益部迢遙隔天末舊遊有夢尋巴實旄牛微外阻王會
萬蹄驕馬高纏駿千村萬落長荆棘何時金甲銷春農
童牛不牯可三歎卷圖風雨來長松

用東坡先生清虛堂韻送黃無菴僉事歸甘肅兼

寄許天玉

金城烽火連瓜沙榆林盜賊趨彭衙三秦昨夜捷書至
關門百丈開蓮花甌閩格鬪尚未已天南望斷今無家
登隴嘶羣怯班馬及關接翅隨昏鴉甘州官舍辛少事

譯經徃徃紛天葩河西番帳盡外徙何妨羊酪煎春茶
許生潦倒作秦贅岑年單絞漁陽搗竹林諸賢久雨散
我亦蟻蝨勞搔爬何時九州絕豺虎吾徒一笑忘咨嗟
小戎賦罷意慷慨瓦亭西北紛虹霞

二君俱閩人黃精禪理

同李湘北陳子端二學士葉子吉侍讀登慈仁寺

閣再用清虛堂韻

化人閱世恒河沙老松攖地龍衙衙盤空閣道下無地
妙香似有陀羅花吾衰作客不稱意每逢望遠疑還家
三關寥落數行雁雙闕霏微千點鴉翰林三君負公望
高文大冊流滂葩惜我旅病色枯槁頭綱屢許分官茶
兵車鱗鱗指荆楚門外蕭蕭多馬楸從來決勝在廊廟
詎有羣盜煩梳爬書生手無五尺箠中宵倚柱徒咨嗟
罪言欲吐更指口遙山雨脚低殘霞

通州水月菴三用清虛堂韻

鳧翁三五嬉晴沙殘僧閉關如退衙黃蘆苦竹隱缺岸
水蕙徃徃飄殘花濠濮會心豈在遠便可泛宅仍浮家
水關上接鮑丘水伯珪戰地啼寒鴉卓老一杯沒荆棘
誰憐文采兼竒葩古人於此兩寂寞高枕且聽風鱸茶
漕河如林萬檣立負城時送迴颿搗彷彿扁舟落吾手
背癢欲倩鳥爪爬病鶴觸籠翅翎短老隨雞鶩吁可嗟
安得十洲縱汗漫排空一氣凌雲霞

與曹升六舍人食蟬

海上有蝻蚌力可制於菟縱橫凌風潮一殼能專車失
勢稻芒候一跪充庖廚津門連渤海珍錯首蟹胥誰遣
三十輩束縛就寒蒲磊落堆盤中香味宜葵菹易酒碧
玉色無錢亦須沽與君對持螯風味思江湖野人厭藜
苜腸饑鳴轆轤今朝食指動襟袖霑膏腴酒船數帆健
絕勝三日醑寄謝虞嘯父未須誇鱸魚

和沈石田鈞弋夫人歌 過河間作

漢宮窈窕千蛾看春華未謝秋風吹落葉哀蟬明怨惜
復道佳人葬桐柏一朝望氣來河間玉鈞乍啓迴天顏
朝侍宸遊陪豹尾暮歸別館幸甘泉容華未老君恩歇
西弄迴頭成決絕雲陽南去女陵旁怨粉零香水嗚咽
漢家竟說貳師功衛霍勲名甲第同青史祇今憐趙父
茂陵烟草亦連空

五君詠

劉考功公猷

劉生慕節俠杜陵一男子從軍驃騎幕長嘯蘇門裏萬
金輕鴻毛妻子如脫屣少日魯朱家為官偶然耳

施少參尚白

宛陵實盛德卓犖為真儒馳情慕周孔抗志希黃虞作
為一家言頗綜七畧書從政三十載屢空方晏如

汪戶部莒文

左司固簡傲狂狷乃其真邈然望終古豈顧世上人軒

冕詎足貴雲壑心所親著書洞庭上寥寥誰問津

梁侍御曰緝

陽夏善閉關性不因人熱偶然騎驄馬非意固不屑一
歸嵩陽寺邈與世相絕作佛固未能蕭然自禪悅

董侍御玉虬

易農不羈士爽朗多所遺脫略梁竇勢放浪班馬詞一
迴秦州駕高卧荆谿湄文園自消渴猶聘茂陵姬

雪中送酒與東癡二首

清晨起盥漱開戶聞騷屑風微竹烟淡雪重松枝折餅
水寒屢凝鑪香散還結忽念東臯子孤懷抱冰雪

東臯未三里潢水凡幾曲風雪掩荒蹊往來斷樵牧先
生高卧處柴門翳苦竹雪深門未開村雞鳴喬木日高
炊烟絕吟聲出茅屋欲寄一瓢酒聊以慰幽獨天晴儻
來過就我西齋宿

朱壁揭鉢圖歌

方寸水精鉢中有寧馨兒崔魏青蓮座上有人天師一
人窈窕美且頎迴風髣髴捎雲旗作使羣鬼無不為神
姦萬億連尻睢震電燂燂雷車馳修羅刀鼻雨不訾飛
龍衙衙勢躡踞前有饑蚊後肥遺或騎朱虎駢文狸猓
猓駛牟騶吾夔蹄者角者毛而形銅弩蹶張齊發機形
弓弦矢射麗龜齧齧伐鼓聲振悲師子之鎧劍鉞鉞懸
幢度索上騎危牙齒棧齧肩隱頤左擔雞足移須彌威

容廣大調御姿不聞不見坐若尸天花青紺下歲豨山
鬼邪揄不得施授女五戒跪涕洟豈悟前因羯肌夷賓
伽解脫母性慈山河墨點無瘡痍顧陸不作作者誰崑
山朱壁能繼之絹素黥暈丹粉滿神彩浮動窮毫釐城
北徐公虎頭癡三日不食坐茅茨抱持此卷忘朝饑大
雪叩門索我詩開卷一引千留犁呵冰炙硯為此詞十
指皸瘃兩肘胝杜陵老叟不可追金粟神妙徒嗟咨

雪中登黃山

空齋蹋壁卧忽夢溪山好朝騎秃尾驢來尋雪中道石
壁引孤松長空沒飛鳥不見遠山橫寒烟起林杪

張友石戶部得雷氏琴

枯木向千載中有太古音君子重拂拭寄此山水心閑
庭何蕭條苔色上衣襟鑪烟方斷續房櫳杳森沉遙懷
託散暢古調刪哇淫良以辨廉志詎必徽黃金相賞在
松石蕭然風滿林

贈葉井叔三首

別業在樊口門前臨大泗樊水渺東逝大江從北來蒼
翠對吳峴崢嶸臨釣臺紫髯信已矣山川鬱佳哉蕭條
聲叟居門徑餘蒼苔隱跡既蕪沒霸業隨飛灰唯傳退
谷銘流風激蒿萊君詩似聲叟令我懷抱開豈忘樊上
居出處理亦諧江湖就魚麥日夕增徘徊

作吏客伊洛門對嵩高山山色映終古客心長自閑朝

看飛鳥沒夕對孤雲還聞昔王子喬吹笙碧落間揮手
駕白鶴一往三千年至今緱山上逸響凌紫烟夫君有
仙骨雲駕如可攀遊目憇嵐嶺躡足升天關廬巖瀑布
佳百丈聞瑯瀕懸流澣冬雪密樾生夏寒何當蠟屐來
與君躡飛湍

樊口去荆江雲濤渺千里估客日上下清風片帆耳五
溪有傳烽飲馬洞庭水鈴旂雲夢多悲茄渚宮起南岳
無迴雁江介多封豕如聞樊上居風土異南紀雞犬白
雲中桑柘寒烟裏理亂不復聞漁釣信為美扁舟倘知
津道遥問園綺

展子虔高歡歸晉陽圖

已下二首為宋牧仲比部題

黃河浩蕩流三城龍門底柱禹所營巨舟峨峨掉尾鯨
乘風破浪來崢嶸身臨河魁賀六渾虬髯虎視真天人
紅粧執樂一千指玉貌錦衣充下陳黃頭鮮卑一何銳
怒如飲飛軒猛氣露車載酒非狂生復有教曹好兄弟
當年霸府氣如虹洛陽三月珍珠紅韓陵片石紀元功
晚逢黑獺非籠東熒惑一朝犯南斗下殿真成入關走
傷心渭水日東流鸚鵡踈踈實戎首展生何年寫此圖
丹青橫絕絕代無想見捩頭網惡馬如此老公豈人下

周禮綱惡馬

沈周秋林讀書圖

白露變丹葉楓林颯高寒青山出白雲巖壑增孱頽何

人坐林中長日頽巾冠堯舜禹武湯如櫛羅簡編最愛
青牛翁至我五千言山風日蕭條楓葉隨我前瀑布擎
蛟龍赴谷為奔川川上小石磯磯頭插綸竿卷書即垂
釣得意遂忘筌我本山中人見此心依然何當及秋風
歸翦茅三間

移竹戲題

齋居飽藜藿兼旬食無肉昨從季主卜筮得蒼筤竹入
世二十年磬折仍負俗愛君霜雪姿磊砢多節目秋雨
日瀟瀟卧起簣簞谷露下更婆娑官奴試難燭

勾龍爽蠟屐圖為牧仲題

磊磊白石瀨落落松竹林林下彼何人蕭灑古冠巾手
中自蠟屐神氣何閑暢人生百年中著此當幾兩晉人
故多癖此癖復自佳錢奴身障簾優劣何有哉兒子竟
辦賊入戶屐齒折寧憶剡中時長歌泛溟渤兩人持高
屐三人持衣裾作佛靈運後習氣那復除奇哉勾龍生
有此通靈筆把臂方入林欲呼阮遥集

題秦留仙然竹集卻寄

小孤山下江水白聞君去作潯陽客大別山前江漢清
憶君重過武昌城荆鄂相望纔幾驛憐君來去隨潮汐
盤中縷膾武昌魚座中人物荆州鯽亦識王門懶曳裾
參知軍事復何如早將表餌推強敵莫為窮愁且著書
送徐武令

人生如飛蓬飄轉不得住與君十載別紫髯已非故
遊蔓草間為君歌零露歌聲未及已離觴忽復御森森
江上波離離海門樹悵望秋風時客帆此中去雁飛京
口驛潮落西興渡幾日罷清砧閨中理紈素

詔菴學士移居

故人長安居門巷碧苔色徑僻少人過空庭唯鳥跡長
思茂陵卧未厭承明直仕宦本易農胡為方食力圖書
盈五車茅茨唯四壁室聞原憲誦家鮮公儀織晨夕隔
望衡徘徊坐成憶

唐寅紈扇圖

健佇辭輦後無復承恩宴綠草萋廣庭流塵掩華殿幽
懷寄搗素密意題紈扇淒涼柘館閉繾綣昭陽讌運往
恩潛移常虞委霜霰太息木門謠含情望飛燕

聽張晴峯員外彈琴

愛君園林好花藥幽蒙茸淶池澹將夕蘋末來清風美
人惜流景目送孤飛鴻何以寫我心清響寄絲桐班姬
淚秋殿箕子傷離宮瀟湘渺雲水星月寒魚龍誰知園
客絲管默含無窮屈茨間笙篴繁音令人聾希聲愛遙
夜思盡神相通卷簾滅明燭月上聞秋蟲

和吳孟舉種菜

丈夫志四海隻手提天綱不然折尺筭為國管戎羌胡
為坐裒手學圃耽滄浪澤國春雨餘溪流碧泱泱戴笠

日荷鉏土膏發幻芒曉露劑白莧夕照分紅薑葵韭癰
蓼蘇紛葩各成行舩舩斑竹筴勢欲凌蒼篔劔登寒具
筵糝用鹽豉香野人食不鑿晨炊擘黃梁詎諳七洎妙
聊喜四體強便腹何貴人日羞大官羊不解出一竒嗟
嗟耗太倉鮭菜二十七風味輸庾郎倘許充園官待我
相攜將

題王文安公畫

在昔孟津公詼嘲頗慢世結習稱畫師徃徃得三昧山
路緣秋毫上與青冥際孤舟泊風菼邱閣懸水碓此境
何蘄絕略與秦棧似忽憶大散關巴馬金纏轡

東城泛舟

秋氣軫楚悲商聽感梁賦河橋一騁望葉下亭臯樹叢
雁入雲飛沙禽背船去暮節入羈懷誰能鬢不素

仇英畫九成宮圖

唐九成宮即隋仁壽宮

君不見隋皇初作仁壽宮累榭穹臺宛相屬夷山堙塹
幾百里役卒崩騰死崖谷功成厭見獨孤公不知怨自
封郎築宮車晚出凡幾載已見迷樓起相續虬髯真人
西入關削平六合營長安青山碧水自無恙雕牆峻宇
猶人間年年清暑備法駕千乘萬騎驥孱顏醴泉漢出
如沈瀝下入涇渭為通川少欄周流鑿山翠雲窗霧閣
當空懸化人之臺屹中天銅烏六月雄風寒披襟萬仞
待飈馭咸陽宮闕如雲烟宮娃笑語翠微上阿監絡繹

青冥邊羽林千牛萬萬輩解牛放馬紛華旃從來世事
有倚伏太平倏過開元年白頭拾遺此駐馬愁聞林藪
啼哀猿畫圖想見全盛日令我涕淚雙闌干

脚痛

去年牙齒豁一痛連廳車今年腰脚痛登降須人扶吾
年纔四十早衰信有諸憶昔登金焦南遊窮具區騰蹶
如飛孫神尻駕空虛西行極岷峨竒觀凌清都兩脚輕
孱顏印杖非吾須十載一彈指肉緩筋亦篤况復苦踈
盤舉步多崎嶇始悟咸其腓初九利安居既不策捷足
安用悲泥塗誰能相比附如彼歷與驢

題昌黎詩後

淮陰舉足分項劉運籌帷幄與留河汾門下羅將相
房杜李魏非常儔西京功業繼三代貞觀仁義被九州
惜哉韓公不及此但取將相酬恩讐

北山約遊摩訶菴不果往卻寄

天色欲雨鳩勃磳麥苗剌剌翠始齊白石莊前入山徑
已有犂确紛高低春湖靴紋漾絳縹遠山玉立森角圭
荷蓑鬚鬚驅繭栗垂竿拍拍驚鳧鷺漁陽地寒花事晚
春陰風氣恒慘悽今朝乍霽日暄暖垂楊蘸水新生稊
小桃點點杏苞拆裙腰草綠紛萋萋諸公蹋青拂晨出
果下銜尾聞驕嘶郎官頭白老簿領經年坐困如醯雞
自嗟樊雉苦籠絛決起安得排雲霓况逢寒食催上冢

紙錢麥飯澆棠梨感念存歿淚雙迸玉壺那復相提攜
賦詩望遠但咄咄遊心已過香山西

曹升六謝千仞攜酒過飲宋牧仲張杞園亦至同

賦長句二首

陵州羅酒玉雪清青州金露琥珀潁直沽冰開酒船到
屬車捆載連瓶罌二子提挈肯過我鴟夷交卧紛縱橫
我愛徐景山不知曹事唯酒鎗復愛謝安西玩弄元子
如老兵眼中况是我輩客談天炙轂聲彭觥一斗枯腸
芒角生五斗甬中鱗甲平一石曠若遊八極逍遙齊物
無虧成幽州二月草始萌小桃照地如紅輕天涯酒人
不易得何必琴筑琵琶箏十擲輒捷詎緣拙三語作掾

誰所令蠟炬成堆冠幘隨西南月作金盆傾

昔聞馬文淵居後欲軒前欲輕又聞藥將軍賤貧辱身
貴快意此語非長者亦復非游戲勁翻扶搖九萬里豈
識青冥更垂翅鳶肩火色多少年一老行吟獨憔悴唯
應中山釀供我十日醉馱馱為馘駝作羹有酒如澗那
復記千秋亭上相叫呼不知何與癡人事丈夫不得手
執丈二及身領漁陽萬突騎親射蠻羶縛鬼章誰識鄧
先好奇計此酒須滿百斛船使我反覆沒飲如渴驥子
路百榼堯千鍾黃土誰能別愚智諸君不醕閣當閉舉
解徑須煩杜蕢

宣和打馬圖

前馬奔馳後馬逐萬馬奔騰隘川陸初看逐隊來玉門
又見爭先度函谷虎背彗尾骨權奇千里追風競齊足
傳聞天馬是星精豈與凡材同碌碌扼窩據險一敵萬
倒行逆施歛馳突漫言稱德不稱力徑籥浮雲何太速
得意橫行彼一時詎少鹽車太行麓殺函晡秣朝飛龍
咫尺君門上天育那知高步易顛蹶夾漈一朝遭困辱
莫誇棗脯與文繡世事由來有翻覆直須十丈的盧飛
待向黃池更歎玉

秦鏡詞為素松籬作

熒熒古鏡雙盤龍流傳本出咸陽宮秦時明月至今在
剝落泥沙露光彩當年秦并六國時後宮閑置千雙着

守宮注臂鏡照膽三十六年君不知華陰道上逢山鬼
輻輳東來祖龍死美人鐘鼓散如烟此鏡蒼涼閱朝市
憶昔大收天下兵十二金人初鑄成還令餘事作奩鑑
太乙下視蛟龍驚劉興羸蹶何倉卒金鑑千秋如一髮
秦鏡虛誇照膽寒不照長城多白骨

襟記

漢祖入咸陽宮得方鏡廣四尺九寸照見五藏見西京

與董蒼水彭駿孫小飲葉子吉學士齋同限箇字

寄諸乾一進士

長安風塵日堀堞扇障不能衣苦澆天官昨占月離畢
十日愁霖足高卧高車大馬諸貴人今雨蕭條誰肯過
玉峯學士數相見打門不辭泥沒髀今朝置酒招我飲

黃雀披綿蜻鮓坐百盃以後呼酪奴白絹斜封朱印破
天下健者今董公富貴浮雲輕涕唾彭郎未奉一囊粟
路鬼揶揄甘凍餓抱膝誰信比管樂高論依然遡御軻
世情但競牢石耶女子猶知伯休那酒酣岸憤忽大笑
吾曹蠶絲自纏裏青山一髮江南路兩笠烟蓑有幾箇
細林主人老耽隱枕上九峯青錯磨漁樵近局不爭席
復有名僧伴高座空山水流花又開不識都門送臨賀
我生未覩細林面聞君快語殊已瘳已瘳見山海經當年我作萬
里遊劍閣西風聽鈴馱凌雲九峯悔輕別筋駕肉緩四
體惰他年但乞五湖長纜話尊鱸口先哆未須木石笑
吳兒小海歌成我當和

張晴峯員外園亭聽金山人彈琴同詠菴學士北

山都諫作

平生慕古澹頗笑箏笛耳愛此太古音寥寥寄絃拍客
來江海上海偶契希夷旨髣髴七里灘松風入江水曲罷
孤月明溪光散清泚主客一無言露坐攬衣起

送浦潛夫

吳江有高士讀書慕皇羲心遠契一畫意得無九師榘
策筮嘉遜遂養丘園姿荒江屋欹斜鷗鳥同朝饑在昔
洪丞相經略天南陲君佐幕中畫倣儻復權竒試吏嶽
麓下蒲鞭懸不施丞相解兵柄角巾東第歸君亦困株
木周道多蒺藜投賦汨羅岸弔古湘妃祠歸吳二十載

飄蕭雙鬢絲丞相宰木拱部曲無復遺重來渡易水感
激酬恩私慟哭龍驤塋手刊第二碑袖中周易編未有
君平知徒步過市中塵染蒼浪髭湖南方用兵馬飲瀟
湘湄辱在卿大夫脩劒空拄頤老子好奇計才鋒尚如
錐無人為薦達垂老嗟數竒古王者行師必鑽九州龜
君書寔有用足為王伯資秋風動鱗甲扁舟犯漣漪白
首抱遺經具區卧茅茨季主定捧腹高賢當為誰

羅塞翁猿圖

栗葉初黃山水渾引臂叫嘯來羣猿緣條附蔓下絕壁
連尻結股爭攀援老猿下視獨招手羣猿跳擲騰且奔
可憐猿子亦大黠襁負母背如乘軒黑者玄衣白玉雪
下飲百丈臨齋淪齧斷嗷咋生趣備丹青漫漶神明存
品題云是塞翁筆江東詩法傳清門我疑或是易元吉
景靈畫壁昔所尊余鏗韓性覺短詠天姥五字雙着掀
吟詩翫畫輒移晷坐屏寒具忘朝飧忽憶元和柳司馬
投荒始解憎王孫

文姬歸漢圖

宋南渡祇候司張某畫

大漠茫茫沙草枯天蓋四野如穹廬陰山秋高雪片麤
朔風中人金篋鐔高飛鶻轉追韓盧前行一馬建隼旗
後有數馬鳴相呼尾鬣蜩縮慘不舒馬蹄流血冰裂膚
蕃兒漢兒手口瘡相顧不能鼓隴胡文姬玉面貂襜褕
聳肩顰黛愁不娛越燕向日思南徂君獨何為苦嗟吁

兜離窈停非故都魂消影絕悲兩離歸來為公寫遺書
名在列女丹青俱老瞞晚鼎目睚盱破壁牽后如收孥
獨能千金歸蔡姝吁嗟高義今已無

荅徐勝力二首

雁門太守解食雁豈識涼州皇甫規王符到門倏驚起
屐履出戶倒裳衣折楊皇芩萬夫和清廟朱絃知者希
潛夫論就自愛惜會有知我傳來茲

我來都門得二士董生蒼水磊落君多聞董生萬里適甌
越君也饑餓留燕雲登車不落為著作笑君何意窮皇
墳被褐懷玉莫太息他年定可張吾軍

送洪昉思由大梁之武康

澤腹堅凍冰峨峨舳舻銜尾填漕河北風吹雪如鶴鴉
急裝結束虺驢馱欲向夷門訪朱亥便從燕市辭荆軻
三年京國何所見日中攘攘肩相摩呶訶喔咿時所愛
骯髒詎免常人訶亦知貧賤世看醜恥以勁柏隨蓬科
我衰於世百無用僦屋深閉如蠹螺蒼苔被階寒雀啄
汝何愛此頻來過耳語侶鄙程不識騎危解笑公叔座
吳興清遠我夢到水精宮在琉璃波防風古國更幽絕
餘不溪水清逶迤山歌處處採茶薜漁舟徃徃穿菱荷
西陵潮信近咫尺方言百里無差謫勸君卜築豈無意
貞曜故宅留山阿結鄰尚友亦不惡溪山况足供婆娑
名高身隱恐難得丈夫三十非蹉跎朝廷正須雅頌手

待汝清廟廢猗那

蘇門三賢詩

張于度

蘇門孫徵君曰于度為庶伯順高弟從子五十年未嘗
或離左魏之難履虎尾涉春冰烈士之名滿天下卒歸
老蘇門高蹈遠隱志士不忘溝壑其庶幾乎于度名果
中容城人葬夏峰北原

明運昔中地奄豎奸大位衣冠虛南牙政柄歸北寺誰
實鈎黨魁嶽嶽左與魏一朝檻車徵牢戶事陰祕傷哉
史弼言茶甘乃如薺容城有布衣發憤亡鯁避要鎖理
太尉舉愾訟司隸貫械渤海生赤憤夏門吏桑海四十

年往事如夢寐骨歸蘇門山名在顧廚次

理寒石

本李姓也名暄和西華人恥與逆闖同姓改曰理孫徵
君與西華左令書稱為魯連後一人

魯連蹈東海其志恥帝秦龔生天天年詎知有美新陶
公懷晉室聊存頭上巾嗟哉均均流乃愧青巖甄西華
理寒石為儒甘賤貧奉母蓬藿中婦潔恐辱身泉鏡

破鏡

與鏡同交蹄跡神州日沉淪靈氛久上天呼號竟無因感激
變姓名下士良苦辛何人傳節義誦言聊一申

餓夫

彭姓字了凡蠡縣人遭闖亂棄諸生客饒陽為鄉塾師

已而從孫徵君於蘇門或授之粟不受竟坐死彌臺之
有徵君題曰餓夫墓

黔敖呼餓人不受嗟來食使之當大事必讓千乘國靈
輒餓翳桑倒戟一何力簞食不忘報竟脫宮甲逼蘇門
有餓夫風節夙所植生餓蘇門下死葬蘇門側彌臺高
峨峨百泉流湜湜清風一相映水石起寒色遐哉首陽
薇千古長太息

送陳子文赴安邑丞四首

我愛田子方同時段干木高義動諸侯清風激頽俗聞
鐘知左高佳言足三復下車或式閭寧浼踞堂辱斯人
邈已遠餘韻留鄉曲賢哉魏成子千秋擅遐躅

峨峨中條山迢迢涑川汜人物表西河流風至今美陳
侯東海來高文一何綺閭闔籥浮雲負絕致千里自抱
萬古心五斗焉足恥滹沱水上渡故關雪中啓懷古多
遠情到官正春水目送中條雲松風滌雙耳

騏驥服鹽車躑躅上虞坂山石何磽聲日暮途且遠道
逢紵衣惠未敢悲晚晚仰首奮長鳴市日思一展譬彼
軼世士遭時未離蹇君過虞坂上懷古向陵緬古之賢
達人澄懷善舒卷

森森沅湘流香艸日以蘭鬱鬱徂徠松百尺凌歲寒君
子重結交貞固期不刊解巾二十載閱世如波瀾苑枯
既以移素心良獨難喬木隱窮巷饑禽噪簷間君偕辛

齋叟時時造門端告我媯汭行能不傷肺肝保此金石
心在遠義亦安不見蕭長倩錄錄曾抱關

藝圃雜詠十二首

為萊陽姜學在賦

南村

豈知城市間村路忽超遠曖曖桑柘陰晨光散雞犬應
有素心人空林共偃蹇

鶴巢

長身兩君子宛與孤松映三疊素琴張一聲遠山靜嘹
唳月明時風泉雜清聽

紅鵝館

疏館籠鶯羣素羽臨秋水濯濯映鳧翁沿流亂芳芷乞
寫苗香花共入丹青裏

乳魚亭

幽人知魚樂為復知魚計策策與堂堂宛有江湖意時
逐落花來更向空明逝

香草居

湘君遺遠時汀洲寒杜若菲菲來襲予脉脉情相託常
恐鷓鴣鳴芳香坐搖落

朝爽臺

崇臺面吳山山色喜無恙朝爽與夕霏氤氳非一狀想
見拄笏時心在飛鳥上

浴鷗池

海鷗戲春岸時下池塘浴何樂從君遊忘機自馴熟不
用駭爰居朝朝泛寒綠

度香橋

陂塘何逶迤飛虹鏡中起但聞功德香都不辨花水鼻
受心已著遂契無言旨

響月廊

脩廊非一曲窈窕隨清樾掃地坐焚香心跡兩幽絕菴
簌風蕭蕭無人見明月

垂雲峰

具區三萬頃奇峰七十二割取一片雲虎牙自孤銳颯
然山雨來咫尺流雲氣

六松軒

髯翁閱千歲纔如熟羊胛不逐桃李妍何妨雪霜壓可
望不可狎愛此李鱗甲

繡佛閣

樓閣衆香中日夕供調御仙梵遠蕭條隨風不知處更
有迦陵鳥聲來貝多樹

古詩荅金穀似

西山紛鈎綿具區遠泓崢巘洞既殊麗草木滋鮮榮靈
威古丈人素書發其英千載多秀民游札高令名昔聞
夫子賢乃自長洲生鈍翁五經何紛綸七畧亦縱橫提攜
吳純鈎落筆于天精相思二十年無由達中誠都門競

錐刀車馬如踐更不解作高髻誰與為目成昨者枉佳
贈其言明且清賦詩備三類餘音散鯨鏗顧慙實不腆
欲報無瑤瓊自非揚旂流詎曰知駿明矧子少而颺執
手安敢輕來詩有云倘無歛器言堂下失駸茂悉索固所願毋為笑荒儉

同施愚山陳藹公集山史昊天寺寓觀唐子華水

仙圖

先生舊隱三峰樹太乙玉女時招邀秦都漢時一蟻垤
目翫易象窮昏朝蒲車應 詔謝賓客城西古寺風蕭
蕭殘碑老樹氣象古涼衫重戴風神超一騶喧闐不到
此兩三素侶還相要殘冬氣暖似吳越佛香入院鐘魚
飄徐出一軸自拂拭古光黯澹生蛟綃青峯出沒高歷
歷海天萬里迴春潮仙人綽約駕雲氣飛龍決起橫烟
霄六銖衣輕逐風舉熒熒顏色如陵茗四座咨嗟歎竒
絕條乘六氣遊空寥子春一去伯牙逝海波汨沒秦人
橋君歸西嶽望東海齊烟九點非迢遙

題喬子靜桃花流水圖

青山白雲外合沓無終始小艇漾溪流幽興何窮已夾
岸桃花林連綿復相似落英正續紛芳草亦鮮芙蓉椀
置船頭笊箸掛船尾不愁風水逆去住皆可喜儻遇避
秦人或逢鬼谷子鸞嘯一迤然沙禽忽驚起

同楊爾茂富磐伯兩宗伯李湘北閣學張素存宮
庶信初侍御遊摩訶菴二首

西院枕回溪青山滿高閣祇園天氣佳苔砌餘紅藥鳥
如迦陵響梵是魚山作微雨忽來過紛紛幾花落

東院更幽絕蒼苔引深處修篁蔽簾櫳風聲在高樹恍
惚思舊遊繾綣未能去誰賦洞庭詩清如杼山句東院壁間有僧

題詩云圖畫當年愛洞庭波心七十二峯
青而今高卧思前事添得盧師倚石屏

顏脩來吏部寄孔廟碑十二種

生近聖人居未得拜祠墓頗聞魯諸生講禮以時聚故
宅聞金絲猶傳壁書處漢祖祠太牢過魯暖餘慕六經
出秦火諸儒明訓故歷代遞相嬗碑版屹森布龜龍或
齧缺蛟螭無錯互顏生陋巷裔學古鄙章句餘事攻六
書韋蔡覽先驚金薤遠見投聊持伴魚素論世慨桓靈

未造紛黨錮

元嘉永壽
建寧三碑

尤愛梁鵠書筆勢颯軒翥貢墨與

置紙椎拓亦殆庶明牕秋日晴水沉午方炷彷彿闕里
遊低徊不能去

午食得鱸

蜃虀鴈醢百不受縷鱠愛斫松江鱸年來絕有步兵興
江船難致途且紆今朝忽訝食指動四腮登饌加蒲菹
京師寂重灤河鯽侯鯖下箸矜膚腴貴人不識鱸膾味
儘輸菘笠垂竿徒吾鄉魯陂亦產此鱸豸稍別方言殊
齊人呼鱸曰多釋名爾雅未及錄會資好事箋蟲魚廿年仕宦去
鄉里走避舊隱如逃逋昌歆形鹽享備物何如鄉味炊
雕胡他年歸卧錦湖岸日拋蓀櫂臨清渠

夜月冰修子湘耦長見過同做宛陵體三首

舉頭新月佳開軒滅明燭流螢稍開闔風露下踈竹素
心二三子比鄰往來熟漢陰無主賓何用加幘屋

袞袞九衢間未少噉名客老懶倦逢迎誰當較尋尺高
齋時卧病河漢忽已夕綠蘚被階生幽人見行跡

聽君談劍術四座輒色變青天走風雨虛堂激雷電香
九合雌雄太乙經百鍊勿快睚眦讐應侯吾所賤

冰修談劍術甚

奇

愚山侍講送敬亭茶

敬亭雲木好香茗叢幽巖鴉山舊擅名晚出思并兼茶
人競春齊歷險如鼓僂新火細蒸焙青筠勞封緘先生

住山時採摘心所欣封題寄千里知我殊酸鹹年來同
直廬思歸夢巖嵌白毛劇舉盧強飲口已箝何當候蟬
眼颼颼響風簾故山昨有寄永驛馳江帆開籠亟分我
芳香透重氈韡紋隱盛縮犖臆垂廉襜磴成玉雪霏持
作梁肉砭渴羗老解事未敢加薑鹽

戲題兩髯行後贈陳其年邵子湘

楚王宴章華乃以長鬣相彼鬣有何好霸國用自壯平
生交兩髯于鬣不相讓絕倫陳魁梧軼羣邵跌宕昨見
兩髯行鞦韆忽神王士龍能笑不吾髯幸無恙

送姜西溟歸慈谿

春風滋百卉不榮孤柏根白日迴陰崖霜雪慘不温丈

夫重知已烈士輕感恩姜生起句餘水擊南溟鯤商歌
一畝宮名動 萬乘尊孤高取衆忌當路誰攀援季布
揖曹丘感激由片言何況貧賤士風飈阻重閣枚朔善
翫散莊徐擅高論連尻結股脚詞賦若雲屯君獨銜恤
歸秋風刈叢萱虎鼠竟何常揮手聲暗吞

得陳子文書兼知吳天章消息

雁聲初墮地黃葉已盈除秋雨蕭條夕忽枉故人書故
人復何在中條白雲裏昔別霜霰零昨日秋風起曾聞
隴頭水驅馬度關山烽烟照駱谷征戍何時還

書中云有
度隴之役

黃雀縱橫飛孤鶴正垂羽祭竈請比鄰停車共騶語歲
月易永久離羣難處心為問朝歌今相思深不深

寄青浦丞李青立

麟趾異凡蹄鳳毛異凡羽君為南陽孫密達類其祖請
從復辟論即事感今古神龍奮幽蟄天星落如雨倉皇
奪門功造次成肺腑輿僮珥貂蟬政柄歸奄豎陳請濫
恩澤帶刀依負芥晉文定王室請隧不見許吁嗟彼何
人憑藉亂狐鼠爰立當危疑踪跡等羈旅當時武功伯
脣齒終齟齬公實仗忠信艱危成心膂嗚呼三楊後伯
仲見伊呂天地鬱風雲將相如龍虎愛君清門後克秉
高曾矩低着百寮底手版趨公府青袍映春草遠向春
申浦婦有林下風樂事笑着媿青立娶於彭為馬
峰方伯女有詩名詩寄雁南飛
因風隨洲渚

寄牧仲贛州

虔州界閩湘蕙賤於草復有寶珠香玉雪映清曉江城微雨過炎瘴淨如掃高齋開八窓豁達涼風早方牀黃琉璃卧起日杲杲清芬惱魂夢仙膚愛甚縞嶺外陸郎花未敢鬪娟好幾歲客京國冠蓋苦紛擾朱門多林塘無由聽啼鳥今年八境臺雙江入登眺閑註詩楚騷多識不為少遙憶書到時贛石風嫋嫋

漁洋山人精華錄卷三

門人監察御史崑山盛符升國子祭酒江陰曹禾同訂

候官門人林信恭謄寫

男敬沂恭閱

漁洋山人精華錄卷四

門人候官林信編

古體詩

其年簡討見和綠雪之作復遺芥茶一器索賦

敬亭如靜女婉孌有餘態洞山如道流吐納成沆瀣陽羨連故鄣夙睢相負戴地靈草木異雲霧藪靈黠尤重羅嶰名超軼絕流輩山氣夕陽佳芥中茶夕陽勝朝陽風露非灌溉

昨賦綠雪詩菴鹵乏清裁名流逋賡唱粲若珠百琲髯也實致師拔戟成一隊白甌題紅籤細君自蒸焙朝來肯送似秀色染着黛下簾候魚目芳瓷露蟾背雖復遭水厄頗亦澆壘塊茶聲正琤琤竹影交瑣碎詩成遣長鬚聊作三舍退君當賈餘勇吾衰鼓已再

送邵子湘之登州

我聞大九州香海環其外裨海內絡之萬川勢文滙禹
 貢周職方中央浮芥蒂鄒衍不可作疇與韡茫昧昔者
 始皇帝東巡極海岱海神駕橋梁大魚射澎湃號為秦
 東門刻石表胸界三山在水下其事頗奇恠邵生列仙
 儒遠遊信所屆遙飛阜鄉舄往撫天吳背龍躡陵丹岯
 九點烟凝黛斬絕日主祠覓與之果對日月影動搖島
 嶼光破碎朝潮激天輪夕汐裂地肺巨鯨若連山奮鬣
 雲晝晦時見新羅船墨點空青內廣乘渺何所歸墟誰
 負戴木張悉文雄髯才更十倍歸來述滄溟始信九州

讀馮圃芝餘事集因題天章逸山詩卷

木脫石氣青吟君古調詩落日高鳥去碧空澹涼颼一
 吟扣一絃一吟傾一卮嘈嘈立部伎子子寡女絲巧笑
 倚市門漆室聲苦悲猿鳴上峽夜雁警團沙時遙憶中
 條山雲物秋正奇吳生家山南拾橡恒苦饑朝吟看雲
 出暮吟逐雲歸河聲與嶽色中有太古詞誰為昭與聾
 獨有馮生知

天章在燕市得古銅章文曰河
 聲嶽色所居正河嶽之間也

和田綸霞郎中移居

田郎詩格如雪車昨來新句傳移家夢向漪亭坐秋水
 蒼筤萬个眼麋麇冬官事少踞壁卧日未卓午先放衙
 殘書滿前自穿穴紛如雁字風中斜未要沈范相賞識

風亭月觀吟梅花廬如瓜牛足搖膝畢逋愛伴城頭鴉
鷺鳥累百詎比數蹠躡聊試終參過牽蘿補屋絕代子
慎莫無匹悲妯娌

風氏園老松

城南風氏園徑僻無車馬野色暮蒼然徘徊古松下松
花自開落松籟何蕭灑落日望烟歸時逢負苓者

徐健菴宮贊送金陵伊氏扇

舊京扇貴李昭骨二百年來名滅沒近來後出仰與伊
細研刺藤如笏滑骨取湘江斑竹枝黃楊烏角光參差
妙手須煩畫蟬雀名流底許矜蒲葵蘋末微風散高柳
八尺琉璃當戶牖持贈難忘東冶亭題詩遠愧東陽守

盆魚

井泉初汲寒射鮒萍衢界水花紛敷草堂咫尺見濠濮
碧羅扇底紅鱗魚丹砂瑁珞非一狀亦有玉雪瑩冰壺
中庭兩樹正交蔭日夕蟬鳥相鳴呼朱門定無此輩客
但聞擊鼓吹笙竽匡牀視景移枕簟風來蘋末看跳珠
夜涼月白河漢轉起聽漁沫疑江湖托身幸得遠鯨鱣
一一尾鬣乘清虛出入荇藻絕斷滬笑渠殘鱸矜王餘
誰為惠施解吾樂牀頭尚有蒙莊書

東丹王射鹿圖

人馬勢逸不可當開圖素練生風霜奇哉落筆如挽強
誰其作者東丹王東樓西樓二千里乘秋出獵凌窮荒

精華金卷四
番部紅靴鐵襖襠左射右射必疊雙鑿蹄驕馬如風樞
三花翦鬣紛怒張俊鶻初變為正鷓蒼鷹塌翅隨馬韁
雄狐狡兔皆遁藏射麋麕走且僵東丹昔日稱人皇
扶餘開國鄰扶桑秋冬射獵海東磧頭鶯燕罷傳醴漿
跨海南歸大梁苑時時夢憶穹廬鄉徃徃丹青自遊戲
寸縑尺素如琳琅宣和壓架六千軸東丹九幅千金裝
艮岳灰飛玉匣散此圖豈不闕興亡蠟炬如椽照空廊
雄談劇飲累百觴東丹丹青遠擅場蹊田奪牛語堂堂
令人千載悲同光

李渭清簡討以龍鬚二莖見贈來書云有風鬟霧

鬚之態非火鬣朱鱗比也戲報長句

阿誰拔此蒼龍鬚白如珂雪光驟珠風鬣霧鬚憶髣髴
汜人愁態瀟湘姝鮫室織絲冰萬縷博山龍涎午方鬻
龍皮之扇驅殘暑紫拂龍髯勝揮塵夢入瀟湘洞庭渚
貝闕金堂見龍女樂奏還宮迎貴主錢唐破陣交風雨
覺來一笑望秋空依舊癡龍卧相語

劉子端舍人惠琴魚

琴溪水泱泱鯉魚三尺長琴高騎鯉撇波去至今溪水
桃花香桃花香時臨上巳琴魚忽徧琴溪水半寸難求
鱗與鬚况從丙乙分腸尾由來風俗當園蔬水鄉風味
無時無居然遠致同茶筍不用門生議蟹鮓故人家傍
琴溪渡渡口桃花幾千樹花時魚美酒正熟好共琴溪

結茆住

送彭古晉二首

玉露塗蘭階明河耿遙夕昨別宛陵人耦長復送華亭客

渺渺九峰青茫茫五湖白秋風佳景時菰蓴正堪摘故

園隱君子夙抗嘉遯跡吳六益沈友聖既丘園董生蒼水亦山

澤問訊今何如予懷在三益

聞君遊蓬池訪阮公躡臺臺上多悲風臺下生蒿萊淶

水揚洪波東逝不復迴南有三亭岡寒蕪望崔嵬一言

奪相印應侯亦竒才當其置廁時何異諸輿僮君行大

梁道覽古紛徘徊埋照實至慎眊眊終禍胎且呼竹林

人啜醢盡餘盃

瞿山畫松歌寄梅淵公

誰能畫龍兼畫松鱗而爪鬣行虛空誰能畫松如畫石

石骨犖确松蒙茸常鑿董羽兩竒絕眼中突兀瞿山翁

瞿山翁所居乃在柏枧深山中此山上與黃山通軒轅

鼎成上天去遺薪徃徃成虬龍翁時散髻坐顛頂興酣

潑墨浮空濛孤根裂石不三尺倒飲萬丈疑雄虹瞰臨

崢嶸下無地盤拏雲霧迴長風世人少見多所恠絕技

豈必昭羣聳兩峰對起何龍從瀑流直下當其衝輓雷

噴雪不知數下與松勢相撞春撫松看瀑者誰子得非

傭佺之屬青羊公何時與翁結廬天都雲海東松肪煮

罷方兩瞳更千萬世無終窮

蔡圖為牧仲郎中賦

何人畫此四尺蔡目光賜睽生寒毛重鉤繫頸氣何驚
 望之非獫非歇驕美鬢碧眼手自捺番部君長身帶刀
 豪豬作鞞獸錦袍西旅底貢來周郊畫師得非顧與曹
 趙盾往事悲彘皋君蔡臣蔡適相遭踏階而走走且號
 逆跋絕頷搏以鏖彌明鬪死靈輒逃一蔡世變心忉忉
 丹青妙手良可褒題詩齷齪非人豪為君一石傾春醪
 張茂先宅

當年張壯武此地留空宅平生無髣髴何處尋遺跡流
 恨金墉城傷心洛陽陌風流陸浚儀曾容笑鬚帛

賈浪仙墓

遙望大房山蒼蒼但烟霧下有千年墳微茫辨封樹照
 夜少魚燈凌寒走狐兔落日青楓林是君獨吟處

王若水古木鳴禽圖為宋子昭郎中作

古木幽篁亂疎撐下有棘枝聚寒雀枝頭顆顆紅珊瑚
 石畔菲菲芳杜若一雀振羽如欲飛一雀掉尾矜毛衣
 復有兩雀目相瞞號作竊丹知是非鷓鴣臨流宛相竝
 戢翼回頭復交頸黃陵廟裏花落時啼罷鈎輞照雙影
 高堂置酒相徘徊眼中不數濠梁雀天清雪霽北風作
 多少蒼鷹欲下來

傅青主徵君寫荷竹見寄奉荅兼懷戴楓仲

眼中突見篔簹谷露壓烟啼萬竿竹下有亭亭菡萏花

大似凌波倦膏沐烟墨淋漓元氣足老筆縱橫破邊幅
卧遊真對兩詩翁晉祠水流如碧玉

初拜國子祭酒釋菜太學作

雍雍禮樂地肅肅堂廡深皚皚素雪零鬱鬱青松陰堂
上鐘簾懸壁中絲竹音末學愧承師撫躬實難任文學
盛鄒魯流風感至今早入矍相圃夙侍緇帷林未能習
禮器遂以玷華簪 聖朝敷文德憬彼胥獻琛岩堯白
虎觀諸儒粲瓊琳議郎悉承制更老多橫襟低徊宮牆
下如聽師襄琴

何處故鄉思二首

北齊房君豹有山池在齊州自製詩云風淪歷城水月

倚華山樹時人以此康樂予在京師有故鄉之思因取
其語為詩云爾

何處故鄉思風淪歷城水處處清瑤流時時白鷗起日
暮浣紗人臨流獨徙倚

何處故鄉思月倚華山樹清輝河漢外散入平湖去不
見謫仙人空山下風露

繪川書院詩二首為湯荆峴侍講賦

大道滙鄒魯洙泗何洋洋邈矣二千載伊洛為巨防江
漢有遺民卓為姚許倡至今百泉上源流深且長曖曖
夏峰村鬱鬱通德鄉湯公起梁宋攝衣早升堂側聞睢
渙間五色多文章黼黻與華蟲宗廟繪衣裳汝南多先

賢鄒魯實頡頏中原昔戎馬講肆為鞠場起衰賴通人
屹茲數仞牆樂職備中和諸生歌鹿鳴六籍列經緯諸
史成官商不才忝成均臯比坐傍徨倚席久不講士氣
何由昌愧彼巫醫師糜粟空一囊

先生昔挂冠棲遲樂巖谷矐彼二三子望古企高躅逶
迤清川上構此數椽屋三年侍承明夢想在林麓大道
不終晦天中盛者宿輟轅有耿介上蔡有張沐著書各
滿家眾流滙川瀆耿公實廉吏齋厨甘杞菊張公赴徵
車萬里向巴蜀冥冥子規啼蠶叢凍雲木何日成德鄰
絃誦譬家塾予亦步屨來歲晚共餽粥

題徐電發檢討畫蟹

及行與外骨并入考工記何如紈扇上善寫招潮勢草
泥攤郭索兩鉗亦何利便欲左手持未勞門下議

湘水行送良輔宰零陵

陽朔二水湘與瀘源同派別分條支湘水東來入南楚
曲抱衡山經九疑九疑之山蒼梧野斑斑渡竹英皇祠
零陵郡古枕湘水瀟江曲折來赴之自古騷人憔悴地
九歌哀怨留其詞亦有元和舊司馬八愚感激傳歌詩
其文往徃擬山海坐使荒徼增傀竒子今年少去為吏
况有詩筆人所知黃溪山水勝鄴杜何必慨歎窮荒為
此去浯溪止百里磨崖洗剔中興碑元公作頌魯公筆
長與日月相昭垂經術緣飾固良可勿隨流俗矜繭絲

衣租食稅盡赤子誰云南人鬼且襍捕蛇有說更三復
軍輸尚急西南陞

贈許生 精篆籀

我來太學已八月長日坐卧石鼓旁松風灑然送蟬語
一庭碧草生新涼嗟哉龔龔不可辯如箱在口誰能詳
安得邀君坐東序共窮史籀賡宣王

送湯荆峴侍講使浙江

我愛西子湖風昔夢見之湖光與山綠樂事輸吳兒譬
客談江瑤未免思朶頤聞君往東南起舞掀兩眉綠蒲
十幅帆西風美滿吹初下南徐州三山已巖崎行行過
震澤萬頃青玻璃夜航到臨安高枕殊未知新筭晚花

過橘綠橙黃時湖水雄龜頭綠淨相差老掩映湖上山
影娥照清池錢塘八月潮詭異天下奇疾雷震百里蛟
龍競躩踞潮頭坐靈胥重水汨後隨三千鼓強弩射潮
勝雄師至今擊西陵鐵幢高以危醞酒臨樟亭江海為
東馳壯觀今古無寄之於聲詩歌送潞河船郵籤催畫
旗

吳江顧樵水寫予平山舊詩摘星樓閣浮雲裏一
傷危欄望楚江之句為圖相寄雨中偶成一詩
奉荅兼寄茂倫定九

哦詩三十年徃徃在人口旗亭與樂府流傳亦時有江
淮好事多圖畫煩好手詎敢擬右丞家風映先後廿載

走京塵頗已忘敝帚君復為此圖母乃太駢拇平山高
直顛直顛楚江清瀏瀏雁齒紅欄橋鵝黃水楊柳風景故依
然問是淮南否俛仰慨今昔少壯成皓首他時鱸鄉亭
相過索盃酒息壤猶在彼寄語雪灘叟

遂安毛貞女詩

同年祥符令會姦女

新安水清泚水清石見底黃河水瀰瀰一石五斗泥水
清復水濁女心空自知三日為君婦未識君容儀一月
侍君疾不聞君履綦秋風響庭樹夜夜哀羈雌高樓切
浮雲直下忽若遺昭昭白日光奄與黃泉期手斲女貞
木絃以寡女絲彈作處女吟千載有餘悲

十一月十八日紀事

招搖方指子七日後長至五星如連珠貞符協天瑞誅
蕩天門開日射觚稜次公卿儼行列百寮咸備位雲中
露布下琅琅動天地十月日在未軍府秉諮議雷動傳
滇城十萬連步騎貝子坐武帳諸道師總萃將軍拜袂
社偏裨怒裂帛搜穴翦狐鼠然犀照魑魅天上舞鈎梯
地中鳴鼓吹不遑濡馬褐况敢執象燧膽落鐘詎聞約
長髮競繫半年築長圍屏息門晝閉樵採路久絕啖食
到殘鬣髑枝悔已窮蟻援復何冀孺子一七殊偽相五
刑備自然天助順豈曰吾得歲昆明水清冷金馬山巔
顛妖氛一朝洗磨崖勒文字釐圭命召虎乘軒寵邴意
六詔歌且舞給復置官吏皇哉 聖人德涵育及動植



手提三尺劍削平諸僭偽何以研曰仁何以淬曰義所以八年中次第芟醜類師行不驛騷民居不憔悴自茲萬斯年橐弓兵不試敢告載筆臣著之大事記

戴氏鼎為楓仲作

昔在京師賦方鼎年少筆力回千鈞焦山鼎圖歲在巳江海起立魚龍奔邇來衰謝二十載雖有意氣無由振戴氏此鼎何處得勢如恠獸獐以蹲平頭負戴到蓬戶四座動色誰敢捫雲雷盤旋間饕餮斑斑古色疑周秦凹中尾鬣狀天馬緣尻鼯鼠拱且馴或云子午紀年月或如癸甲兼庚申或云乾上艮在下天山為遯理則均著馬履鼠古所訓義云陰屈而陽伸制器尚象有深戒

寡聞勘見徒紛紛火巧坐令倏斲指流俗豈辨銅與鐵丹楓閣中盡竒古此鼎屹立向雄尊市丘鼎鑿任嘲笑烹雞何似羞明神不煩更問柳下季歷千萬世存吾真

順治巳亥在京師為少傅劉公賦方鼎康熙乙巳與西樵先生在焦山賦古鼎程遠穆倩為圖

多父敦亦戴氏物

昨日賦罷天馬鼎今日復示古敦牟山川連日發光怪黃白下覆雲油油此敦形製竒且古兩耳三足窮雕鏤上作饕餮下魚尤細辨非蓋非彛舟古人一物殫工巧用盛黍稷神所羞珠槃玉敦載盟府云以飲血親諸侯流傳千載歷塵劫卻伴高士山之幽昭餘自昔稱晉藪侯甲水作青瑤流丹楓孤閣踞其上朝霞暮靄臨窓浮

先生靜坐觀衆妙圖書萬卷皆親讐此鼎此敦置左右
蒼然古色來商周庭列九賓發緹幕令我一見生歎喟
長安市兒寶康韞金敦玉敦知何求什襲歸去閉高閣
會有光氣騰龍蚪敦音對

摩崖碑

有客新自湘江歸登堂示我浯溪碑芒寒色正三百字
忠義之氣何淋漓白日行天破幽曠走避罔兩潛神夔
憶昔天寶初喪亂漁陽突騎如飈馳二十四郡少義士
平原太守獨誓師平生不識顏真卿乃能一木支傾危
清河年少氣慷慨十歲作質平盧兒中興大業起靈武
功成不死神扶持道州刺史昔漫叟振筆大放瓊瑤詞

請公磨崖書絕壁鐫鏡千仞青雲梯蠻烟瘴雨不剝蝕
萬古照曜天南陲昨者劇賊亂滇海盜據衡永為根基
太平祭告徧羣望山川一洗無磷緇宜有雄詞繼前代
磨崖重刻浯溪渚

元祐黨籍碑

天津橋上啼杜鵑耕父已見清泠淵宮中堯舜不可作
厚陵社飯悲年年二惇二蔡秉國軸同文館獄紛鈎連
衣冠相望走嶺表一網盡矣嗟羣賢司空手籍元祐黨

京自署司空尚書右
僕射兼門下侍郎

大書深刻相磨鐫彗星下掃文德殿毀碑

夜半何喧闐攸攸狒狒一兒戲可惜宋社成南遷潭州
死骨尚有臭黨人名字光中天西南荒徼八桂郡此碑

千載人爭傳上云垂戒萬萬世其詞何異誅共驩從來
青蠅亂白黑三代遺直今如弦小人勿用易所戒崇寧
債轍無忘旃

秋杪獨遊善果寺感懷亡友葉文敏公

秋懷愴無豫古寺聊經行喬木何蒼然歸鳥時一鳴雨
久林葉積人稀秋草生帛公吾夙好敷坐依南榮壁間
龍鸞書歲久猶崢嶸壁上有世祖皇帝御書唐詩洞房昨夜春風起一首自署臆菴道人昔遊偕故
人共對寒泉清俛仰遂成昔存沒倏自驚西景薄悲谷
素魄無常盈世界真一漚何物為冠纓徘徊日云夕駕
言返東城

古蹟三首為岳給事賦

同年岳鎮九給事初知封丘縣頗以古循吏之治治其
民以唐高常侍嘗為縣尉祀典闕焉乃初為專祠又春
秋黃池戰國青陵臺在縣境皆碑其處數百年廢墜之
典鑿然修舉予嘉其事因為賦之

高常侍祠

忠公拓落人好談王霸略一辭益諸野微官此棲託把
臂李杜遊慷慨吹臺作懷古薦溪毛風期緬猶昨

黃池

餘皇既已徙姑蘓亦已焚黃池尚爭長荼火矜三軍肥
胡幡名不可見四野空寒雲大河隔濤江至今悲伍員

青陵臺

東郭一曠望尚見青陵臺臺邊兩梓樹古冢何崔巍下有鴛鴦宿上有烏鵲哀遐哉一女子大義終不虧

雨過陳默公滌岑

躡屐歷危岑單榭上空曲江雨從東來風吟萬竿竹城郭浩茫茫衣裳盡寒綠何處是龍眠千峰出雲族

十八灘三首

繫舟萬安城已聞灘聲惡連峰造天闕疾雷殷地絡篙師理戩楫直與驚湍薄萬山立積鐵其下臨大壑沉沉蛟龍宮神物信所託排空紛恠石森然奮搏攫潛虬動鱗甲巨刃揚鐔鏑地根在何處坐覺坤軸弱悵然念神

遠遊亦何樂

亂飈吹急雨一折改奔峭連山亘東南瘴霧迷嶺嶠橋人侵曉發高卧失臨眺輒雷起何處萬夫迭呼嘯倏忽數灘過到眼一票姚武朔既崖紫崑崙絕排冪始蹈呂梁險終成昆吾譟四山方出雲吐納亦殊妙山木蒼然合冥冥子規叫

半日過五灘灘灘各殊狀怒流一噴薄石角迷背向激瀑散霜雪倒洒石壁上漩渦走風霆喧吼裂層嶂洶如奔萬馬崩騰不相讓又如閶闔開攫攫羽林仗傷神既慘澹快意倏悲壯出坎在須臾布帆幸無恙探竒講靈閱豪吟洗惆悵

韶石

昔聞韶石奇今覩韶石狀奇峰削凡體斗絕各雄長恠
石走中流牙角怒相向峽迫春湍豪撞春力頗抗雙闕
屹東西毬門始誰初其旁有阿閣靈鳳昔來既傳聞帝
南巡九成奏崖嶂后夔不可作疇與辨真妄飄搖翠龍
駕髣髴鈎陳仗西望蒼梧雲臨風獨惆悵

彈子磯

神禹刊九山百粵所不詳蠻夷暨流蔡遺跡蓋荒唐此
磯始何代峻極蟠穹蒼下臨萬丈潭蛟螭多伏藏黑鷹
巢其巔下瞰時飛颺石壁不可梯錯襍五文章鐫鏡復
穿漏鬼工肆皴皴想當開鑿時巨刃摩天揚安得挾仙

靈白日凌飛梁

觀音巖

粵山無寸膚斯巖益厯屐其下蟠水府其上排雲霓洞
穴豁天半十丈臨江涯騎危躡虛空險絕緣鈎梯白日
忽晝晦疑逢魍與魍金獸佩腰間火鈴前後隨蝙蝠如
白鷗鍾乳皆倒垂幕屋掩洞門狡獪神所為暗瀑響陰
壑尋丈安可知灑落淡潭中如弩齊發機佛座雲霧生
濛濛沾人衣遠江上明月欄杆拂參旗歸舟意恟恍絕
景誰能追

峽山飛來寺

方舟宿湏陽高峽厭蒙密乘風指飛來喜近調御室蒼

蒼菩提樹逶迤寺門出金碧閱蕭梁幻語恐非實禺陽
二帝子何年此栖息言采阮俞竹遙應黃鐘律如何遂
不還空有湖城憶東上緣崎危詰曲昧蹊術夾磴荔奴
陰青蔥上初日石壁留孤雲飛亭俯江色沉沉晴川綠
活活流泉疾敷坐愴忘歸道遙問摩詰

半山亭

雲碓水自春松門風為關坡公題峽山寺句夙愛老坡語幾載思
禺山何意萬里遊兩腳墮孱顏苔碣不可見定水猶潺
湲宴坐半山亭下見凝碧灣榕根如獐龍怒攫青厓間
日午竹雞啼濃綠排烟鬢我行窮祝融何時復來還

南海神祠

茫茫百粵間衆水歸扶胥下滙波羅江日夜相灌輸嵯
峨兩虎門衛此陽侯居神宮壓滄溟潮汐在階除我駕
萬斛舟乘風但斯須飛廉送旌麾龍伯為前驅百靈何
蜿蜒穹龜與長魚將命肅牲醴來格神所愉振衣浴
日亭遙見三足鳥咫尺躡樊桐覽彼天帝都

與陳元孝屈翁山諸公集光孝寺

寺舊名虞苑
虞功曹故宅

一鳥鳴灌木招提春雨餘偶來方外遊踪跡似閑居清
池浮水薤碧藻躍文魚輕颺散訶林葵樹交扶疎灼灼
佛桑花紅豔驚珊瑚緬追昔賢跡俯仰懷赤烏孝廉自
英雄江左盛文儒魯周閭外寄張顧府中趨如何虞仲
翔獨此悲向隅青蠅為弔客千載同歎歔

菩提壇

一花五葉後此樹留孤根枝條徧震旦老幹無冬春我
來漲海遊入此甘露門秦松與漢栢瑣細皆兒孫清池
澹疎雨妙義聞風播菩提本無樹更與智者論

偽漢劉龔冢歌

紇干山雀凍欲死朱五經兒作天子紛紛負販皆侯王
山牛免絲粵中起中原瀕洞久風塵遂使傭奴竊邊鄙
黃屋左纛歷四世坐斥洛州為刺史昭陽溝水流真珠
論車卻笑燒沉水金銀當日錮三泉帶劍上陵嗟已矣
苦將肖像擬休屠金蠶玉魚誰料理茂陵甲帳出人間
况爾區區安足齒驪山地市竟如何銀海茫茫同一軌

羚羊峽

逆流入西江已闢高峽中何年神羊跡靈輿開鴻濛灘
江挾牂牁日夜來向東怒流會端州奔湊朝祝融萬仞
東洪濤大哉造化功龍嵒雲雷窟黯澹蛟鼉宮更聞溪
中石價與瑤琨同當年貢天家千指勞人工鼈行九地
底下與水府通微軀一不戒崩墜誰能窮尤物古所歎
念此心忡忡

羚羊山寺

古寺四月中尚有木棉花殿紅照羚羊苔壁何紛葩下
有東江亭俯臨硯洲沙牂牁萬里來遠勢如修蛇高峽
扼其衝天險逾褒斜寺當兩峽口石徑交嶮呀紅泉尚

分飛竹筧通坳窪西望端州城七星莽周遮明當陟其
巔舉手搴匏瓜

沈佺期鈴山寺賦云
中有紅泉分飛碧嶺

七星巖

北斗森魁杓何年化為石散落南斗旁光芒色相射遙
填端州城七峰張幕帶崧臺屹中央晡雷仙靈宅天帝
觴百神於茲互主客巖竇鳴鼓鐘石乳亂矛戟徃徃烏
獸形奇譎蕩精魄其旁兩洞天豁訝幾年闢水聲暗澎
湃時有蜿蜒跡云此龍所宮終古雲霧積沉沉抱珠睡
五嶺慳雨澤吾欲割其耳雨工起鞭策坐使瀝湖盈乘
流掛帆席

時旱甚瀝湖竭

上昇風巖登道未及霄闕而返

暮登扶嘯臺欲問含珠徑山月出未高羣峰忽已暝清
露滴生衣孤松偃危磴何處仰霄關雲中一聲磬

端州別魏昭士因寄和公於廣州

人生如萍蓬飄轉少根蒂况復出處殊合并安可計我
夢翠微峰岩峽在天際幽人侶猿鶴石門掩松桂詎意
萬里遊相見炎海裔世事苦匆匆傾蓋忽分袂我攀庾
嶺松君飽珠江荔阿戎共扁舟崧臺暨流憩良會那能
常宿昔紛鼓柁瀆水方南下灘江復東逝中宿潮不來
何由慰迢遞

重遊飛來寺

我昨遊飛來乃自東峰始得隴復望蜀夢落西峰裏歸

棹粵江潯烟雨孤蓬底菩提解迎客一笑呼履齒繚繞
曲棧危宛與蜀道似數折得石壁萬笏摩空起如丁如
步欄神工信奇詭西巖隱飛瀑迸罅流石髓鳥啼脩脩
竹花覆濛濛水平生禽尚志歎息吾衰矣笑問白足僧
胡為羨衣紫

黃石磯夜雨

春枕夢忽破決溜鳴篷窗驚雷碾陰峽急雨銳奔瀧新
涼卧桃笙遠夢生楓江起坐祝媪龍添波送歸艘

大廟峽

夜泊黃石磯急雨如萬弩朝過大廟峽恠石蹲渴虎靈
祠出叢薄飛甍可數美人珥明璫侍者拾翠羽春蘭

與秋菊無絕此終古落帆薦溪毛巔花媚中渚神光乍
陰陽朝雲無處所欲去更徘徊枕柳颯飛雨

湏陽峽

峭帆入臯石絕壁太古色山川方出雲白日轉昏黑浩
浩一水逝蒼蒼兩崖逼雄雷地中奮坤軸倏傾仄十步
一盤渦下視窈難測云中穴蛟蜃呀呷擇人食牯牛難名
尤險絕艱虞萬夫力石棧緣秋毫百丈牽江直慘慘鷓
鴒啼猿猴不逞息尚憶符韶州名錫架閣擬巴棘事往逾
百年遺踪半湮泐陵谷一俯仰感歎情何極

與孫豹人周星公往白鹿洞次迴流山

廬山何高高白雲在山腹條忽縈山椒亦或帶山足上

下無定姿頃刻屢移矚山徑不逢人樵歌出深谷何處
過松聲風泉滿林麓

初入五老峰謁白鹿洞呈湯佐平先生

忽忽遠城市浩浩臨滄洲良辰愜竒賞始遂廬山遊歲
紆屢轉壑窈窕時經丘潺潺風瀑瀉蒼蒼石川流騎牛
緬徃跡眠鹿欽前修風景宛猶昔年運條已邁唯有五
老峰屹立忘春秋紫芝驚漢帝黃石招留侯泉石不我
遐桂樹生山幽

自白鹿洞至三峽澗

溪行少阡術沿洄屢迷津馬蹄怯危石欲下還逡巡出
谷見稻畦烟火自成鄰日午聞雞啼衣徑見遺薪薛荔

衣恠樹山風恐行人舉首五老峰白雲如魚鱗遙青邇
隱現光景相鮮新望望玉峽亭聊可垂吾綸

三峽橋

五里聞瀑聲轟若車千兩谿迴見飛梁穹若虹百丈衆
流會三峽峽門扼其吭建瓴沸驚湍排空削層嶂石激
水斯怒水橫去聲石逾壯水石終古爭恠竒紛萬狀日射
金井潭濺沫出橋上日光散青紅雨絲亂飄颻絕景遇
兩蘇何人繼高唱

玉淵潭

已歷三峽橋更訪玉淵水水流大壑中路轉層松裏片
石橫百仞其右平如砥九十九飛瀑一門爭萬軌峯巒

米五金卷四
直要衝跳盪不得止雪浪如車輪凸凹忽奔駛激射為
深潭神物潛尺咫夜黑風雨來鱸鮓皆避徙久立凜毛
髮薄雲漏餘晷西眺石人峰梵唄空中起

栖賢寺

李渤讀書處乃在栖賢谷何年作招提來尋愜幽獨僧
舍如蜂房高下傳山麓雲來漢陽峰時就簷下宿古寺
無所有修竹間喬木野衲喜客來欣然設茗粥便欲置
草堂巖栖於此卜

萬杉寺

朝過玉京山緬想陶公里谿迴得寺門曲折杉松裏兩
中念佛鳥交語清人耳風吹修竹林下有寒泉水

開先瀑布

神龍擘空冥颯沓雙峽開青天露鱗甲白晝行風雷峽
偈不得逞掉尾揚其頰千仞忽開豁下有布水臺嘗聞
龍奮迅三昧何雄哉誰能一鉢盛終古相喧逐夜來雷
雨怒大石為崩摧龍遊引九子烟霧紛徘徊偉矣南宮
書壁上有米元章大字破壁鏡崔巍有語不敢吐以俟冠古才

寄題三疊泉

坡公賦廬山遜勝僅取二開先與三峽雙瀑誰軒輕此
遊兩經行竒觀偶然遂遺恨三疊泉扶筇未一至譬如
禽慶遊五嶽得其四他年謝羈鞅更擬探靈閔一削陸
羽經別續廬山記

小孤山守風

已過落星石前臨大雷岸水宿淹期程日暮中流半
純戍鼓鳴蕭蕭水禽散愁對小姑祠靈風送波瀾

彭澤雨泊有懷陶公

陶公今彭澤柴桑一舍耳猶對匡廬山共飲西江水
一朝悟昨非扁舟歸栗里笑指故山雲吾心亦如此我來
彭澤縣秫田沒沙蘆急雨送寒潮三歎顏延誄

三山磯

澄江日夕淨歸鳥投前浦明霞散淪漪輕颺愴容與南
臨春穀溪北眺濡須塢何處是三山沙頭駐鳴櫓

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看四壁
風颼颼蕭生何年畫此雪色壁峰巒出沒烟嵐稠元氣
淋漓真宰妒江湖瀕洞蛟龍愁吳觀越觀上海日蒼烟
九點橫齊州祝融諸峯配朱鳥瀟湘洞庭放遠遊我著
雪照巫峽水匡廬瀑下彭湖流須臾使我行萬里瞥如
怒隼凌清秋我生海隅近岱畎西遊曾上瞿唐舟昨登
五老弄瀑布卻臨三峽窺龍湫七十二峰身未到蒼梧
已略天南頭太白遊踪徧四海晚愛青山采石聊淹留
丈夫當為黃鵠舉下視燕雀徒啁啾

奉符古城

我行奉符城不見崑崙迹何處仙人閭青山繞長陌唯

聞党竹溪髣髴南邨宅

徂徠山

雲陰移徂徠影覆汶河水下有賢人居清風被田里一
杯詎能容千秋今廟祀

楊家磴

詰曲皆紅泉縱橫半白石石暎月明時泉喧風雨夕愛
此故鄉山臨流布瑶席

甕口峽

岱宗趨肅然

吾鄉長白即史記所謂禪泰山下陞東北肅然山亦曰副嶽也

陰齊陽則魯中有夾

谷臺連峰作門戶石壁造天關蕭蕭綠蘿雨

行經鵲華二山間即日

山海作經首鵲山招搖之桂生其間麗磨^{音九}之水出其
下祝餘四照花爛熳今此鵲山勿乃是越人陳迹誰追
攀灤水南來紆且直羅生夾岸蘅蕪葢隔水正望華不
注疑臨玉鏡窺烟鬟是耶非耶看不定尹邢雙照蛾眉
彎被山璠璣不收拾蒸栗黃潤丹砂殷七十二閘遠鈎
帶如碁布子交週環柳花滿樹綠於染杏花點地紅斑
斑始知今日已寒食潑火小雨回天慳濯纓湖亭好烟
景春波澹迤清心顏回首卻望衛河北風沙莽蒼連雄

關

嘯園禱題八首

梭山

云是天孫梭何年化空碧蕭條松桂林
掩靄幽人宅不妨折齒人長茲置巖石

見山亭

張公茂蘭故居正德間進士也
時人語曰天下清官張茂蘭

入門不見日風動千竦竦孤亭在竹中
猶傳清士居世

無劉伯畊豈慕貂襜褕

張官京師久無絮衣遺者皆不受東阿劉田伯畊以
衣送之乃受曰世惟劉伯畊衣可服耳竹中見左傳

海岱清士
見世說

長白深處

肅然萬壑深結廬最深處昔睹封禪儀
今餘采樵路惟有漢時雲悠悠自來去

猗玕洞

古潭深不測石梁架巖洞中有蟄龍蟠
鱗甲欲飛動明

玕照清流幽禽時一呀

勘書閣

北齊勘書圖流傳子華作

楊子華有勘書圖

髮髯邢魏沉劍珮文

林閣從容四庫間何如百城樂

海燕樓

朱樓玳瑁梁春社紅襟燕年年思故巢
延延會相見花動倉琅根美人赴常宴

橫翠閣

高閣冠清溪雪浪相迴薄簾捲暮山晴
衣露空翠落烟暝竹林間歸飛雙白鶴

淨友亭

斑竹已解裊翠莢復如雛虛堂受荷氣疎簾漾文漪風
標兩公子照影時來窺

米海岳研山歌為朱竹垞翰林賦

許文穆公故物後
歸朱文恪公

海嶽研山不可見人間空說研山圖研山之圖亦遭燬
雲烟過眼徒嗟吁宣和艮嶽已塵劫矧乃片石輕錙銖
永嘉流落幾百載昭陵玉匣今亦無詎知神物有呵護
星芒夜墮三天都太平宰相盛文物寶此何啻千璫璆
古藤書屋花未放主人愛客招吾徒眼中突兀忽見此
乍疑几席羅衡巫壺中九華那足擬仇池枉用誇髯蘇
三茅地肺互鈎帶二華雲氣相縈紆蛟龍屈蟠待雷雨
仙靈髣髴迴駟車華蓋一峰獨秀拔宛插玉笏翹犀株

翠巖玉筍左右列雕尻股脚相欹扶上洞下洞闕曲折
潛通小有涵空虛龍池幽窈驗雨候頗疑中有驪龍珠
峰獨者蜀屬者嶧上泉有埒下有瀆座客摩挲三嘆息
蒼然古色生眉鬚海嶽之庵書畫舫樂伴此老浮江湖
巧偷豪奪歷千劫閱盡春秋如蟪蛄翰林好事過顛米
日餐蛾綠忘饑餉滄江夜夜虹貫月莫令光怪驚菰蘆

飛仙閣

山行喜乘流江平况如練岸粵有開闔竹樹一蔥蒨人
言利州風今朝冷然善灘如塗毒鼓舟劇離弦箭仰眺
飛仙閣鳥道危一線鸞環歷三朝向背窮九面絳雲卷
輕綃白日遞隱見嘉陵碧玉色晴雨皆婉孌想見吳道

玄應詔大同殿此生兩經行天遣追勝踐醉帽停烏奴
已泊益昌縣蜀諺云利州風雅州雨

汎嘉陵江至益昌今昭化縣懷何易于

益昌古利州由來五達衢白水合嘉陵山谷相盤紆我
有汎舟役萬里經川塗望古懷清芬所思何易于刺史
乘春下畫鷁盛嬉娛前舟載賓客後舟羅笙等索民為
挽舟牽繹須百夫縣令腰笏前挽舟自先驅刺史驚問
狀縣令乃前趨方春耕且蠶民力方勤勸令適暇無事
可以充卒徒刺史聞之慙上馬如亡逋仁人重一言能
使民力蘇考獻徵樵文撫之載唐書累百守令中尚有
斯人無作詩告有位磬石鑿山隅

題張敦復大宗伯賜金園圖

我昔曾過龍眠山山雪蒼茫歲方晏龍眠山莊知有無
空向圖中幾回見遺墟但指璇源館在舒城亦伯時別業芒屨未踏
垂雲泚祗今彈指閱七載過眼流光等飛電龍眠尚書
早致身玉斧森沉侍清燕承恩暫許休沐歸朱提賜
出蓬萊殿鑑湖一曲落公手艸木雲嵐荷深眷數問家
金共賓客遺事蘭陵何足羨三年卻返承明廬夢寐家
山寫東絹溪流百曲學印文山色千層累重甌龍公鸞
尾歛烟雨鹿角鼠鬚飽霜霰嶮呀忽斷漁浦開仰見雲
中寫飛練艸堂抱膝還讀書樂此長年可忘倦此山此
圖世希有終擬他年追勝踐待公功成歸故山江帆更

乞樵風便

夢遊三山圖歌為尤悔菴太史賦

故人昨有夢夢落滄海東海中三神山往來倏忽隨長
 風上有金銀宮闕互虧蔽下有雲濤汨沒相撞春蕭灑
 古仙人漆園傲吏逍遙翁歲星不見幾千歲劃然一嘯
 驚鴻蒙鴻蒙澤見郭憲東方先生傳羲皇上人北窓卧流觀山海須臾中
 謫仙騎鯨去采石玉局西返峨眉峰或被天衣駕烟鴻
 或乘雲氣騎飛龍西堂八十方兩瞳生不並世道則同
 笑指桑田洗毛髓下視六合塵濛濛兜率海山等游戲
 夢耶覺耶皆虛空三千里外訊占夢漢廷尚有大王公

甘泉宮長生瓦歌為林吉人作并寄同人

漢宮一百四十五

三輔黃圖漢殿千里有外宮館一百四十五所

橫絕南山包九嶷未央

建章最廣麗渭北更起甘泉宮甘泉之山化金碧千門
 萬戶文玲瓏通天臺高屹宮表下瞰雲雨青濛濛武皇
 求仙跨滄海射魚牽犬東門東秦始皇能立石東海上以為秦東門孫卿已誅
 五利死飛廉桂館猶龍後上陵磨劍勢一變雲陽烟草
 悲秋風甲帳珠簾盡黃土何況片瓦埋荒叢林生好古
 極幽蹟短衣匹馬空山中太乙壇邊弔鈎弋悲歌躑躅
 斜陽紅此瓦出土事非偶長生古篆疑神工濯以清泉
 襲綈錦携婦嶺海光熊熊令弟繪圖亟示我使我懷古
 心忡忡終南渭水舊遊歷漢家陵闕隨飛蓬豈知一瓦
 供賞識遠與石鼓岐陽同况視羽陽或作城弟銅雀纖兒慎

勿加磨礪

漁洋山人精華錄卷四

門人監察御史崑山盛符升國子祭酒江陰曹禾同訂

候官門人林佶恭謄寫

孫兆鄴恭閱

漁洋山人精華錄卷五

門人候官林佶編

今體詩

清明後三日鄒平西郭賦詩

雨歇西原上鶯花事事妍青山環縣郭白鳥破溪烟墟
落明流外園林霽景前永懷蘭渚客行帳暮春天

蠶詞四首

青青桑葉映迴塘三月紅蠶欲暖房相約明朝南陌去
背人先祭馬頭娘

戴勝初來水染藍女桑濃葉滿江南誰家少婦青絲籠
知向香閨飼女蠶

玉蛾飛飛金繭酥蠶時幾日閉門樞白蒂與儂作璘藉

黃金與儂作跣躑

鳩鳴屋角桑葉低三眠四眠蠶始齊
小姑娘嬌小好閒事
簇蠶學罷學添梯

山蠶詞四首

清溪柵葉始濛濛樹底春蠶葉葉通
曾說蠶叢蜀道險
誰知齊道亦蠶叢

那問蠶奩更火箱春山到處是蠶房
柵林正綠樹園碧
閑却猗猗陌上桑

春繭秋絲各自諳一年三熟勝江南
柵蠶成後寒蠶續
不道吳王八蠶蠶

尺五竿頭絡色絲龍梭玉鐏動妍姿
紅閨小女生來慣
中婦泥黃空未知

雨止

碧漢歇微雨美人橫素琴窗前明月影
洞口綠蘿陰
丘壑結遙想茅茨清道心稍聞西澗水
寂歷響空林

阮亭秋霽有懷西山寄徐五

孤亭新霽後藤竹夜涼生
忽憶西峰寺曾經采藥行
夕陽雲木秀秋雨石泉清
不見烟霞侶相思空復情

南唐宮詞六首

細雪霏霏落院門金鋪鴛鴦早黃昏
宮中玉女隨君側
搏得春冰帶爪痕

曾邀醉舞媚君王鬢朶珠翹別樣妝
紅燭當筵新破就

更將金屑譜霓裳

簾錦鸞綾萬卷殊澄心堂裏阜羅厨保儀玉貌空傾國

妙選深宮但掌書

御溝桃葉水潺潺姊妹承恩并玉顏花底自成金葉格

宮中齊唱念家山

花下投籤漏滴壺秦淮宮殿浸虛無從茲明月無顏色

御閣新懸照夜珠

重午龍舟歲歲陳輕鳧飛燕各如雲瓦官閣下黃花漲

別有凌波水上軍

聞雁

縹緲涼天數雁鳴幾家砧杵起秋聲懷人江上楓初落

臥病空堂雨易成尺素經時常北望暮雲無際且南征

沅湘一帶多兵甲莫動高樓少婦情

蠡勺亭觀海二首和家兄西樵

春浪護魚龍驚濤與漢通石華秋散雪海扇夜乘風徐

市荒唐後秦臺滅沒中扶桑試晞髮朝日萬山紅

吾廬臨少海及此更空蒼飛觀圖雲氣靈槎著日傍十

洲真浩渺六博足翱翔乘驕何年去重來覽下方

秋暮與家兄禮吉叔子小飲有懷

蕭瑟秋為氣凋盡始欲愁酒人方落魄名士半離憂桂

樹猶招隱雲棋未遠遊吾曹如野鶴偃蹇待浮丘

秋柳四首

秋來何處寂消魂殘照西風白下門他日差池春燕影
祇今憔悴晚烟痕愁生陌上黃驄曲夢遠江南烏夜邨
莫聽臨風三弄笛玉關哀怨總難論

娟娟涼露欲為霜萬縷千條拂玉塘浦裏青荷中婦鏡
江干黃竹女兒箱空憐板渚隋堤水不見琅琊大道王
若過洛陽風景地含情重問永豐坊

東風作絮糝春衣太息蕭條景物非扶荔宮中花事盡
靈和殿裏昔人稀相逢南雁皆愁侶好語西烏莫夜飛
往日風流問枚荊梁園回首素心違

桃根桃葉鎮相憐眺盡平蕪欲化烟秋色向人猶旖旎
春閨曾與致纏綿新愁帝子悲今日舊事公孫憶往年

記否青門珠絡鼓松枝相映夕陽邊

息齋夜宿即事懷故園

夜來微雨歇河漢在西堂螢火出深碧池荷聞暗香開
窗鄰竹樹高枕憶滄浪此夕南枝鳥無因到故鄉

采蓴曲四首

湘湖雉尾蓴郵支馬肝石采蓴作蓴羹底用作方伯
不食上湖苻但采下湖蓴緣流棹歌去西風愁殺人
采蓴臨淺流采蓮在深渚歡似蓴心滑那識蓮心苦
蓴絲何纏綿柔白勝玉臂持作千里羹朝朝下鹽豉

即事作二首

草堂殘雪後不出系南邨暮鳥常穿屋寒家少候門讀

書慕終古養疾樂丘園顧已漸通隱浮沉莫更論
二十偶通籍三年歸舊林聊知返初服豈敢謝朝簪
迹思壺口忘機憶漢陰終當與嘯父天路試相尋

讀史襟感八首

王謝烏衣六代同名家龍虎盛江東可憐東邸鑾輿出
僕射終當愧侍中

過江名義共推袁宋室孤臣念愍孫千古消蒐石城曲
司徒家世本陽源

鑿地蓮花映雉頭卻忘鼙鼓下荊州白門一決須臾事
枉向宮中拜蔣侯

結髮從戎老戰爭揮鞭立就十三城涼風堂側桃枝戲
絕勝平陽九道兵

江陵士馬控西疆坐使吹脣沸建康湘土尋戈同氣盡
卻教韋粲死青塘

殿中擁榭唱無愁江左重開南豫州十萬敵軍齊北哭
至今淝水不曾流

汾上軍書夜刺閨天池較獵未言歸不愁粉鏡匆匆去
更語官家殺一圍

芳華苑裏奏名倡積翠池邊舍利裝行得魚龍新散樂
大家恩賜學曹王

雪後荅東癡見憶之作

昨夜東臯雪憑誰問隱居不知高卧者歲杪意何如井

邑頻憂稅溪山早著書因垂楚蘭咏吟望一愁予

雪後懷家兄西樵

竹林上斜照陋巷無車轍千里暮相思獨對空庭雪

別萬大屏楊勝林

別鶴念湖海離羣秋夜心風聲郢口暮江色禦亭深去
路分吳楚相思各滯滄關門今夕雨蕭颯動寒砧

法慶寺閣上望雲門山

祇園有珠閣高出碧林端落日眺平楚青山生暮寒
歸雲天際去遠樹坐中看今夕雲門月無人照戒壇

即日

蒼蒼遠烟起槭槭疎林響落日隱西山人耕古原上

浙山道中

斷靄望沉沉關河歲暮心蒼山連凍浦雪屋入寒林
鳧雁荒陂晚雞豚古社深墨王亭畔路載酒憶登臨

南園池上

清言不覺暑纖月生西林苔徑少塵色夜猿清道心
漁樵晚多侶風壑靜同音會學涓高術陰潭鳴玉琴

阻雨望醴泉寺用徐昌穀韻

誌公飛錫處巖壑至今深渺渺青山路蒼蒼修竹林
法雲懸瀑影幽鳥亂泉音自歎塵中駕空勞出世心

題迪功集

昭代嬋娟子徐卿雅好文稱詩如典午譚藝似參軍
護

落雲霞質飄搖鸞鶴羣祇應禹洞裏靈蹟待夫君

寄董樵

聞卜崑崙宅棲遲歲幾更人烟分蜃影海嶠出秋晴島
屋閑垂釣山田晚罷耕多君離亂日白社獨逃名

題公馭蘇門圖卷

曾學如鸞旨心懷汲縣遊秋清嘯臺月竹映百泉流小
隱何年卜名山一卷收聊當共嵇阮把臂向林丘

紀事

天壽蒼涼石獸陳荒原驚見翠華春 君王淚灑思陵
樹玉盃金鳧感侍臣

高郵雨泊

寒雨秦郵夜泊船南湖新漲水連天風流不見秦淮海

寂寞人間五百年

淮安新城有感二首

澤國陰多暑氣微一城烟靄晝霏霏春風遠岸江離長
暮雨空堤燕子飛四鎮蟲沙成底事五王龍種竟無歸
行人淚墮官橋柳披拂長條已十圍

開府當年據上游建牙賜爵冠通侯即看別院連雲起
更引長淮作帶流荒徑人稀鼪鼯嘯野塘風急荻蘆秋
永嘉南渡須臾事忍向新亭問楚囚

江上寄程崑崙二首

白浪金山寺青山鐵甕城故人今不見楊柳作秋聲

江北望江南祇隔江津水日暮寒潮生愁心滿揚子

余澹心寄金陵詠懷古跡詩卻寄二首

千古秦淮水東流遶舊京江南戎馬後愁殺庾蘭成
鍾阜蔣侯祠青溪江令宅傳得石城詩腸斷蕪城客

再過露筋祠

翠羽明璫尚儼然湖雲祠樹碧於烟行人繫纜月初墮
門外野風開白蓮

青山

晨雨過青山漠漠寒烟織不見秣陵城坐愛秋江色

江上

吳頭楚尾路如何烟雨秋深暗白波晚趁寒潮渡江去

滿林黃葉雁聲多

即目

蕭條秋雨夕蒼茫楚江晦時見一舟行濛濛水雲外

皇殿河

鳧雁被沙洲沿洄一徑幽萍花紛曲岸竹色壓迴流晚
鼓滄江戍人家白板樓好乘瓜蔓水溪上問漁舟

雨後觀音門渡江

飽挂輕帆趁暮晴寒江依約落潮平吳山帶雨參差沒
楚火沿流次第生名士尚傳揮扇渡踏歌終怨石頭城
南朝無限傷心史惆悵秦淮玉笛聲

曉雨復登燕子磯絕頂

岷濤萬里望中收振策危磯最上頭吳楚青蒼分極浦
江山平遠入新秋永嘉南渡人皆盡建業西風水自流
灑酒重悲天塹險浴兒飛鷺滿汀洲

寄一靈道人

即翁山

聞師江海去幾日刻中還昨朝逢越客知下沃洲山

題徐半山山居圖

先生竟學道自製水田衣獨卧寒林靜故人相見稀晚
涼松鼠落曉日竹雞飛亂葉千峯裏行歌何處歸

登金山二首

振衣直上江天閣懷古仍登海嶽樓三楚風濤盃底合
九江雲物坐中收石壁落照翻孤影玉帶山門訪舊遊

我醉吟詩最高頂蛟龍驚起暮潮秋

三山縹渺望如何有客褰裳倪逝波絕頂高秋盤鶴鶴
大江白日踏鼉鼉泠泠鐘梵雲間出歷歷帆檣檻外過
京口由來開府地不堪東望尚干戈

丹陽二首

夜火丹陽郭移舟暫解維川塗紛雨雪彌望遠淒其戍
鼓蘭陵鎮荒烟葛令祠五湖行漸近杳杳欲何之
曲阿後湖路百里望南徐解纜從漁父臨風誦卜居廢
亭朝射虎練水暮觀魚如此堪終老窮愁悔著書

潤州懷古二首

楚雲直下大江流鐵甕城高落木秋宋帝南徐猶作鎮

蕭公北顧更名樓江山勝蹟留三國海道烽烟動五州
見說孫盧西犯日青燐白浪使人愁

興亡六代已銷沉對此茫茫思不禁黃鵠山頭寒雨暝
佛狸帳外暮濤深兵聞北府千年勁雲入西津一片陰
興劇且傾京口酒三山披豁足開襟

焦山曉送崑崙還京口

山堂振法鼓江月挂寒樹送送江南人雞鳴峭帆去

海嶽菴拜蘇米二公像

前輩風流地為菴易研山淨名猶故蹟磨衲識清顏江
月長如此高人去不還惟應餘翰墨終古照人間

瓜洲渡江二首

昨上京江北固樓微茫風日見瓜洲層層遠樹浮青齊
葉葉輕帆起白鷗

揚子橋頭雞未鳴瓜洲城外日東生風波不憚西津渡
一見金焦雙眼明

呂城雪霽二首

雞鳴呂城鎮日出市橋東雪屋迴汀口煙樺野竹中鳥
飛皆貼水舟泛若乘空古蹟成荒壘行行慨阿蒙
午夜雲陽道扁舟狎老漁神亭雪幾許直瀆路何如烟
水懷前侶江湖未定居斷橋叢樹裏何處卜吾廬

舟暮

向晚金牛道林寒響宿禽雪晴烟樹小日夕竹園深川

路通蕭港扁舟動越吟蘭陵今夜酒無那故鄉心

許墅舟中眺陽山殘雪

日出陽山外參差見幾峰依稀露烟靄窈窕明雲松忽
憶梅花發清溪深萬重扁舟欲乘興杳杳暮天鐘

虎丘

闔廬霸業夕陽沉鐘梵空山自古今劍去虎丘青嶂在
水枯鶴澗碧苔侵吳宮歌散聲猶苦越絕書成怨不任
惟有生公臺畔石年年白月照禪心

闔廬墓

劍池春日水清虛石壁臨風弔闔廬於越行成誰狡獪
夫椒往事重欷歔飄零王氣傳金虎寂寞空山葬玉魚
太息恩讐竟何在荒臺青草認姑胥

姑蘇懷古三首

爭長黃池未濟師餘皇舟已徙熊夷山川終古迷商魯
花草千年怨種蠹故國魂銷吳苑水行人腸斷越溪絲
竹枝聲裏春將盡破楚門東暮雨時

斜日停橈喚奈何橫塘聲散采蓮歌青山古道通閶闔
綠黛春風憶苧蘿廢苑愔愔花欲暮長洲淼淼水空波
千金枉鑄鴟夷像鳥自高飛避網羅

山徑何時葬玉鳧興亡轉瞬日西徂越人已自籌三策
秋祭當年竟五湖雨過麋城空碧草春深鶴市半青蕪
傷心更有南陽宰不獨寒潮泣子胥

文種歎曰南陽之宰而為越王之禽

夜雨題寒山寺寄西樵禮吉二首

日暮東塘正落潮，孤篷泊處雨瀟瀟。
疎鐘夜火寒山寺，記過吳楓第幾橋。

楓葉蕭條水驛空，離居千里悵難同。
十年舊約江南夢，獨聽寒山半夜鐘。

虎山檀勝閣眺光福以雨阻不得往

虎山橋畔盡層松，掩映寒流古寺紅。
卻上重樓看鄧尉，太湖西去雨濛濛。

雨夜宿聖恩寺還元閣

梅樹初花石澗流，滿山香雪送行舟。
三更蕭瑟湖邊雨，百尺高寒水上樓。
師子窟中嵐翠合，法華山外暝烟收。
霜天欲曉鯨音起，萬壑聲從何處求。

山中寄叔子時阻雨許墅

平生兄弟遠遊心，世外玄棲約共尋。
澗道名花任開落，湖天春水半晴陰。
何山往事思求點，五嶽前期負向禽。
遙憶孤篷宿烟雨，青芝南望白雲深。

鄧尉竹枝詞六首

二月梅花爛熳開，遊人多自虎山來。
新安塢畔重重樹，畫舫青油日幾迴。

鄧尉山頭片雨晴，司徒廟下晚潮生。
卻登七十二峰閣，玉柱銀房相向明。

西施洞望米堆山，夕翠朝烟擁髻鬟。
不道鴟夷曾載去，

至今人在五湖間

西來銅井又銅坑山勢高低有二名試上龜峯光福塔

白波翠巘兩邊生

楓橋估客入山來盤子多從木瀆開瑪瑙冰盤堆萬顆

西林五月熟楊梅

綠黛遙浮玉鏡間峰巒千疊水彎環居人卻厭真山好

袁墓南頭看假山

題春申澗

桃夏遺宮廢章華蔓草深但餘流水意如聽女環琴

春申澗上

望澗亭邊野望新明流秀嶂碧嶽嶽青山終古連秦隲

珠履何年問楚人冰雲倒懸三峽水風烟遙接五湖濱

李園已事成荒草太息空祠一愴神

惠山下鄒流綺過訪

雨後明月來照見下山路人語隔谿烟借問停舟處

江上望青山憶舊二首

揚子秋殘暮雨時笛聲雁影共迷離重來三月青山道

一片風帆萬柳絲

長江如練布颿輕千里山連建業城草長鶯啼花滿樹

江邨風物過清明

訪紀伯紫隱居

閑踏春泥著屐來烟波百曲孝侯臺柴門徑僻少人跡

門外野棠花亂開

和牧翁題沈朗倩石厓秋柳小景

宮柳烟含六代愁
絲絲畏見冶城秋
無情畫裏逢搖落
一夜西風滿石頭

秦淮雜詩十四首

年來腸斷秣陵舟
夢繞秦淮水上樓
十日雨絲風片裏
濃春烟景似殘秋

結綺臨春盡已墟
瓊枝壁月怨何如
惟餘一片青溪水
猶傷南朝江令居

桃葉桃根最有情
瑯琊風調舊知名
即看渡口花空發
更有何人打槳迎

三月秦淮新漲遲
千株楊柳盡垂絲
可憐一樣西川種
不似靈和殿裏時

潮落秦淮春復秋
莫愁好作石城遊
年來愁與春潮滿
不信湖名尚莫愁

青溪水木最清華
王謝烏衣六代誇
不奈更尋江總宅
寒烟已失段侯家

當年賜第有輝光
開國中山異姓王
莫問萬春園舊事
朱門草沒大功坊

新歌細字寫冰紈
小部君王帶笑看
千載秦淮嗚咽水
不應仍恨孔都官

弘光時阮司馬以吳綾作朱絲關書燕子箋諸劇進宮中

舊院風流數頓楊
梨園往事淚沾裳
樽前白髮談天寶

零落人間脫十娘

傳壽清歌沙嫩簫紅牙紫玉夜相邀而今明月空如水
不見青溪長板橋

新月高高夜漏分棗花簾子水沉薰石橋巷口諸年少
解唱當年白練裙

玉窗清曉拂多羅處處憑欄更踏歌盡日凝妝明鏡裏
水晶簾影映橫波

北里新詞那易聞欲乘秋水問湘君傳來好句紅鸚鵡
今日青溪有范雲

雲字雙玉有紅鸚鵡詩寂佳

十里清淮水蔚藍板橋斜日柳毵毵栖鴉流水空蕭瑟
不見題詩紀阿男

阿男秋柳白云栖鴉流水點秋光
詩人自集之味也

長干寺

門外長干道林端鍾阜雲浮圖插霄漢臨眺絕人羣宮
闕秋聲合滄江曉勢分高臺元咫尺花雨日氤氳

登觀音閣眺望

幕府山頭晚吹涼登高望遠極蒼茫濛濛夕照開棠邑
葉葉風帆下建康畫閣臨江飛鳥外丹崖拔地暮雲翳
娑羅花發香林淨坐聽微鐘出上方

大風渡江三首

鑿翠流丹杳靄間銀濤雪浪急潺湲布帆十尺如飛鳥
卧看金陵兩岸山

紅襟雙燕掠波輕夾岸飛花細浪生南北船過不得語

風帆一霎翦江行

連山噴雪浪嵯峨片片乘流竹箭過憶昨傷春三月暮

江東門外柳枝多

題余氏女子繡浣紗洛神圖二首

溪水粼粼見浣紗苧蘿春色玉人家絲絲繡出吳宮怨

碧石清江是若耶

明珠翠羽魏宮妝洛水微波渺正長欲寫陳王舊時恨

唾絨兼做十三行

登瓜洲大觀樓見月懷西樵

帆影落瓜洲高城四望秋迴颼聞玉笛涼月滿江樓清

切三山影流光萬里愁有懷謝希逸江左思悠悠

真州城南作

真州城南天下稀人家終日在清暉長橋漁浦晚潮落

曲港叢祠水鶴飛新月初黃映江出遠山一碧送船歸

白沙洲上樓臺靜好與提壺坐翠微

昭陽舟中讀閨秀徐幼芬遺詩寄李季子二首

昭陽北望景依依江柳微黃燕雁飛空憶謝家才調美

青絲曾解小郎圍

自來學得謝公基博士風流幼婦詞未免有情看不得

橋南荀令斷腸詩

幼芬七歲能與父奕

陳洪綬水仙竹二首為周櫟園侍郎題

清泠池畔梁園種奈此生綃素影何更寫東阿舊時恨

芝田館外見凌波

玲瓏疎影玉繽紛
比似江梅迴不羣
特向蒼梧分一本
淚痕斑處伴湘君

樊圻畫

蘆荻無花秋水長
澹雲微雨似瀟湘
雁聲搖落孤舟遠
何處青山是岳陽

葉欣畫

偶來獨立碧谿頭
石澗茅亭白日幽
風雨欲來山欲暝
萬松陰裏颯寒流

李念慈畫

君家涇水陽
終南在當面
紫閣與皇陂
宛向圖中見

楊枝紫雲曲二首

名園一樹綠楊枝
眠起東風踈地垂
憶向灞陵三月見
飛花如雪颭輕絲

黃金屈膝玉交盃
坐燼銀荷葉上灰
法曲只從天上得
人間那識紫雲迴

董公祠

董公祠廟已荒涼
憑弔西京意倍傷
漫以園陵勞主父
祇將經術奉驕王
時逢明主身空老
志在春秋道正長
我自愛傳繁露學
玉盃曾問廣川鄉

寄荅汪茗文二首

光福鎮前白鶴飛
崦東崦西雨霏微
舊遊正及梅花發

憶爾漁陽桑葉稀三載漫求方朔米此行真息漢陰機
烽烟滿地憂租稅石室金庭少是非

夫君蟬蛻辭軒冕徑欲石公山下居秋晚洞庭收橘實
月明震澤釣鱸魚直從用里尋真隱莫問明庭有薦書
抗跡何妨五湖長由來名士半樵漁

送陳其年歸宜興

雪霰毘陵道烟霞陽羨天山從洞庭起水與貢湖連陳
子青雲客巖居倚善卷那能乘白鶴及爾御風烟

冬日登海陵德香閣

檻外紅梅初吐萼千枝萬朵壓簷低淮南斜日登高閣
目極寒蕪雪漲溪

頻歲

頻歲孫恩亂颿檣壓海頭傳烽連戍壘野哭聚沙洲司
馬能清野天吳漸穩流江淮非異土飄泊汝何憂

淮陰雪夜

昨歲釣臺大風雪今來風雪又維舟枚臯里畔樹不辨
淮陰祠前水亂流俛仰古今可太息側身天地多煩憂
苦聞渤海金茄動故國何因得散愁

蔣虎臣修撰述天台之遊賦贈

太史三茅隱朱顏薄世榮言尋沃洲路遙向赤霞城語
識寒山妙詩同太白清石梁橫地底今夜夢經行

送徐存永歸閩携家之湖南

舊家楓嶺外去住復何言海上田園失歸途雨雪繁家
移建溪水人聽楚山猿未弔長沙傳知君已斷魂

秦郵曲二首

孟湖蕭蕭風色秋神鴉競食嘯漁舟夜半湖心明月上
還疑神女弄珠遊

今年孟冬河水乾萬夫畚鍤聚河干行河使者黃符下
敢道無衣風雪寒

寄竹林寺諸道人

瀟灑城南寺亭亭千竹林澗流殘雪積春氣遠江陰石
壁窗中直梅花臘後深戴公山下路扶病憶登臨

雜題蕭尺木畫冊四首 為鄭御史作

幡影依稀遜佛場白雲深處劇清涼迢迢澗水空花出
寂寂寒山貝葉香

山城水郭蒼茫裏曲棧疎林遠近中太息歐湖老詩史
直將勁筆壓關種

苓箬沿溪踏亂流秋深蘆荻風颼颼若得五湖三畝宅
便須隨汝釣槎頭

平生酒態嵇中散目送飛鴻坐竹林閑向梅花彈一曲
落花亂點碧流深

題棧道飛雪圖送曾道扶之漢中

西指褒斜路淒然送遠心千峰盤雪棧數騎出雲林蜀
道連天起秦關入望深今宵畫圖裏如聽暝猿吟

二月五日淮陰作

二月五日春已半淮南風物劇駸駸麥苗亂茁垂楊岸
蝴蝶交飛花樹林白羽徵兵吳會遠黃巾掠地海堧深
何時戍罷狼烟淨擊壤長從田父吟

環溪觀玉蘭同朱秋厓陳水壑

淮南二月好天氣八寶城中春鳥鳴溪閣客來尋舊約
辛夷花發值新晴迴風雪霰當盃落遲日雲霞拂檻生
杏葉柳枝俱鬢鬢驚心被袂逼清明

送茗文之京二首

淼淼江湖春水生淮南風景過清明故人恰向愁中至
感激真投難後平竹外寒烟瓜步鎮花時細雨廣陵城

謝公掾下通宵語酒冷香殘十載情

潦倒徒成未拂衣疎狂真與世相違南徐載鶴橫江去
西磧看花壓帽歸此去故人京雒少莫教遠道尺書稀
嶺南程五如相問為道維摩減帶圍

載鶴探梅皆余與茗文近事

絕句

波遶雷塘一帶流至今水調怨揚州年來慣聽吳孃曲
暮雨瀟瀟水閣頭

寄陳伯璣金陵

東風作意吹楊柳綠到蕪城第幾橋欲折一枝寄相憶
隔江殘笛雨瀟瀟

贈蔣虎臣先生

盧橘已垂實楊梅初滿林仙人一相訪樽酒話同心天
台烟霧遠華陽丘壑深平生山水意茲夕寄瑶琴

東風
紅橋二首

舟入紅橋路垂楊面面風銷魂一曲水終古倚隋宮
水榭迎新秋素舸自孤往漠漠柳綿飛時時落波上

真州絕句五首

揚州西去是真州河水清清江水流斜日估帆相次泊
笛聲遙起暮江樓

白沙江頭春日時江花江草望參差行人記得曾遊地
長板橋南舊酒旗

曉上江樓最上層去帆婀娜意難勝白沙亭下潮千尺

直送離心到秣陵

江干多是釣人居柳陌菱塘一帶疎好是日斜風定後
半江紅樹賣鱸魚

江鄉春事最堪憐寒食清明欲禁烟殘月曉風仙掌路
何人為弔柳屯田

柳耆卿墓在城西仙人掌

和李退菴侍郎讀水經注懷洞庭之作

楚望經時入宦冥岳陽樓上數峰青曾臨南極浮湘水
坐對西風憶洞庭斑竹想從春後長落梅猶向笛中聽
新詩吟罷愁多少腸斷當年帝子靈

江東

江東人物舊難儔遺老飄零半白頭斑管題詩吳祭酒

梅村紅顏顧曲袁荊州蕘菴太常縑素雲烟落烟客宗伯文章

江漢流牧齋徑欲相從破蕭瑟片颿高挂五湖秋

吳公臺

大業那堪問長城怨有餘回頭成一笑三十六封書

青暘道中二首

黛色橫天際蒼蒼秦望山東巡殊不返流恨此山間
修竹被晴川淪漣映空曲日夕雪初消人家在寒綠

江陰何明府邀登君山

楚相何年邑淒涼此獨經棘門成宿草浮遠祇空亭上有甚名
浮遠半壁收吳楚空江入杳冥卻思洞庭上一十二峰青

鄧玉書簡討招飲梅園

暨陽城外路倚棹數寒鴉何處吹橫笛江南雪後槎故
人碧山隱招我問梅花更上花間閣香山數點斜數前上聲後去聲

高橋曉望惠山寄修遠留仙心甫流綺

清盥披衣起開簾見九峯烟深微辨樹潮落緩聞鐘秦
塢望中近高流何處逢那能品泉水與爾趺長松

潤州曉渡用皇甫冉萬歲樓韻

練湖分艇悵何依北渡迴看雲樹微白下西來潮正落
丹陽南去雁還飛笛殘遠步新愁集酒醒江關旅夢稀
鐵甕城邊重懷古當年萬馬蹴重圍

蓉江寄牧翁先生

芙蓉江上雨廉纖東望心知拂水巖共識文章千古事
直教仙佛一身兼夜聞寒雪推篷笠春惜濃花側帽簷
兩到江南不相見少微空向老人占

題趙澄畫

為周櫟園侍郎題

烟柳南朝寺風花建業城年年春盡日玉笛喚愁生

鑿江舟中雪霽月出即事題鄒詰畫

拂曉春寒重揚帆急霰侵月明生水際積雪滿空林岸
火推篷近漁菴閉戶深平生剡溪興茲夕是山陰

葛一龍枇杷

洞庭詩人葛震父畫成盧橘亦清蒼想他縹緲峰頭坐
快寫西林五月黃

亡名氏畫

蘆荻蕭蕭山氣陰橫笛吹作蒼龍吟一聲入破鐵皆裂
舉世無人知我心

惲向千巖競秀圖

萬壑千巖雲霧生曹娥江外幾峰晴分明乞與樵風便
身向山陰道上行

馬士英畫

秦淮往事已如斯斷素流傳自阿誰比似南朝諸狎客
何如江令擘箋時

葉欣離宮秋曉

翠華寂寂罷宸遊苑樹聲淒碧水流一片敗荷千點葉

靈波宮外不勝秋

送葉子吉編修入都

憔悴江潭客

先皇侍從臣宮車一朝出三別帝城春自灑蒼梧淚行吟楚澤濱重來清切地憶奉屬車塵

送家兄禮吉歸濟南二首

龍山晴雪馬蹄長山翠湖雲罨畫香好到旗亭寒貰酒雙鬢低按小秦王

錦秋湖邊稻花涼錦秋亭下鱸魚香垂虹秋色一千里秋到吳淞思故鄉

戲做元遺山論詩絕句三十二首

巾角彈碁妙五官搔頭傳粉對邯鄲風流濁世佳公子復有才名壓建安

五字清晨登隴首羌無故實使人思定知妙不關文字已是千秋幼婦詞

青蓮才筆九州橫六代淫哇總廢聲白紵青山魂魄在 一生低首謝宣城

挂席名山都未逢潯陽喜見香鑪峰高情合受維摩詰浣筆為圖寫孟公

杜家箋傳太紛拏虞趙諸賢盡守株苦為南華求白郭前惟山谷後錢盧

漫郎生及開元日與世聾牙古性情誰嗣篋中冰雪句

谷音一卷獨錚錚

風懷澄澹推常柳佳處多從五字求解識無聲絃指妙
柳州那得並蘇州

中興高少屬錢郎拈得維摩一瓣香不解雌黃高仲武
長城何意貶文房

草堂樂府擅驚奇杜老衰時託興微元白張王皆古意
不曾辛苦學妃豨

廣大居然太傅宜沙中金屑苦難披詩名流播雞林遠
獨媿文章替左司

獺祭曾驚博奧殫一篇錦瑟解人難千年毛鄭功臣在
猶有彌天釋道安

涪翁掉臂自清新未許傳衣躡後塵卻笑兒孫媿初祖
強將配饗杜陵人

詩人一字苦冥搜論古應從象罔求不是臨川王介甫
誰知暝色赴春愁

苦學昌黎未賞音偶思螺蛤見公心平生自負廬山作
才盡禪房花木深

林際春申語太顛園林半樹景幽偏豫章孤詣誰能解
不是曉人休浪傳

鐵厓樂府氣淋漓淵穎歌行格儘奇耳食紛紛說開寶
幾人眼見宋元詩

藐姑神人何大復致兼南雅更王風論文獨直江西獄

不獨文場角兩雄

三代而還盡好名文人從古善相輕君看少谷山人死
獨有平生王子衡

正德何如天寶年寇侵三輔血成川鄭公變雅非關杜
聽直應須辨古賢

十載鈴山冰雪情青詞自媚可憐生彥回不作中書死
更遣匆匆唱渭城

接跡風人明月篇何郎妙悟本從天王楊盧駱當時體
莫逐刀圭誤後賢

翩翩安定四瓊枝司直司勳絕妙詞底事濟南高月旦
僅存水部數篇詩

中州何李並登壇弘治文流竟比肩詎識蘇門高吏部
躡臺鸞鳳獨逍然

文章烟月語原卑一見空同迫自竒天馬行空脫羈勒
更憐譚藝是吾師

濟南文獻百年稀白雪樓空宿草菲未及尚書有邊習
猶傳林雨忽沾衣

楓落吳江妙入神思君流水是天真何因點竄澄江練
笑殺談詩謝茂秦

來禽夫子本神清香茗才華未讓兄徐庾文章建安作
悔教書法掩詩名

海雪畸人死抱琴朱絃疎越有遺音九疑淚竹娥皇廟

字字離騷屈宋心

澹雲微雨小姑祠菊秀蘭衰八月時記得朝鮮使臣語
果然東國解聲詩

溪水碧于前渡日桃花紅是去年時江南腸斷何人會

只有崔郎七字詩

太倉崔華字不雕

曾聽巴渝里社詞三閭哀怨此中遺詩情合在空舸峽
冷雁哀猿和竹枝

九歲詩名銅雀臺三年留滯楚江隈不如解唱黃顰者
新自王戎墓下來

夢與唐祖命遊黃山

昨宵山中駕咫尺窮黃海夢裏軒轅臺迢迢復何在

至日懷申臯盟兼寄張覆輿

晚雪融長至春風到廣羊有書來遠道知汝卧清漳久
客諳吳語行歌憶楚狂如聞巖壑裏慢世得琴張

太液况家舊藏倪元鎮畫自題云蕭蕭風雨麥秋

寒把筆臨摹強自寬賴有

君相慰藉松肪筍

脯勸加餐此詩甚佳而雲林集不載今年偶得
松圓老人畫愛其風格不減雲林因用前韻題
于左方

輕螺如髻秀堪餐新柳微黃晚漲寬應有扁舟天上坐
鱖魚吹雪一江寒

方山道中

前山白雲外繚繞一江橫
漁舍參差見風帆自在行
烟花憐故國湖海寄浮生
洗盞船頭坐一聲沙鳥鳴

瓜步晚望

西日低銜瓜步鎮
亂鴉飛去石帆山
支頤獨眺江南岸
龍虎銷沉悵等閒

癸卯除夕得林翁茂之金陵書
適讀虞山先生列

朝詩載新安吳非熊萬曆甲辰同翁遊武夷山

詩計至今甲辰六十年感成一首附書為荅

文獻今誰在先生古道存
高眠數人代只侶閱朝昏
約我秦淮水新詩共討論
幔亭追往蹟下界已曾孫

望雞籠山雪寄杜于皇

天半雞籠雪遙逸興偏
春陰寒未散雲壑更相鮮
不辨谷中樹應添巖下泉
因懷杜陵叟拾橡此中眠

秦郵襍詩六首

夾岸人家短竹籬
鴨頭新綠雨如絲
幾年寒食秦郵路
拂面楊花被酒時

國士無雙秦少游
堂堂坡老醉黃州
高臺幾廢文章在

果是江河萬古流

子方修文游臺成

露觴祠前水拍村
平湖水暖生蘭蓀
靈風斜日畫棋捲
時有神鴉歸廟門

濤聲東走海陵倉
蛾子紛紛割據場
三百年來陵谷變

居人猶是說張王

張士誠元末據此

三十六湖如玦環青蘋風起白銀灣紅橋四百姑蘇郡
徑合移來著此間

小桃初紅柳垂陰
社湖中花水深鴉頭十五竹枝曲
不聽歌聲何處尋

茅山進香曲四首 揚俗舟人歲以三月進香茅山戲為作此

家住茱萸灣復灣
年年三月上茅山
白沙江邊吹笛去
赤山湖上賽神還

遙指三峰次第青
五雲深處擁雲輶
猿啼日暮神靈雨
知是茅君欲現形

雷平峯前雲氣開
池中隱約起風雷
何人戲取華陽劍
真割乖龍左耳來

江淮兒女愛鴛蓬
水宿烟餐西復東
但祝茅君賜安穩
年年不怕石尤風

冶春絕句十二首 同林茂之前輩杜于皇孫豹人張祖望程穆倩
孫無言許力臣師六修楔紅橋酒間賦冶春詩

今年東風太狡獪
弄晴作雨遣春來
江梅一夜落紅雪
便有天桃無數開

野外桃花紅近人
穠華簇簇照青春
一株低亞隋皇墓
且可當盃酒入脣

紅橋飛跨水當中
一字闌干九曲紅
日午畫船橋下過
衣香人影太匆匆

三月韶光畫不成
尋春少傑可憐生
青蕪不見隋宮殿
一種垂楊萬古情

髯公三過平山下白髮門生感故知欲覓醉翁呼不起
碧虛樓閣草離離

東風花事到江城早有人家喚賣餠他日相思忘不得
平山堂下五清明

坐上同矜作達名畱犁風動酒鱗生江南無限青山好
便與諸君荷鋤行

海棠一樹淡胭脂開時不讓錦城姿花前痛飲情難盡
歸卧屏山看折枝

却竹方袍老謫仙威儀猶復見前賢蓬萊三度揚塵後
坐閱春光九十年謂林翁

當年鐵礮壓城開折戟沉沙長野苔梅花嶺畔青青草
閑送遊人騎馬回

彭澤豪華久黃土梁谿歌舞散寒烟張御史達泉彭澤人鄒副使愚谷梁谿人林翁酒間述
二家赫伎豪侈之樂今俱衰歇矣生前行樂猶如此何處看春不可憐

故國風光在眼前鵲山寒食泰和年元遺山濟南詩句邗溝未似
明湖好名士軒頭碧漲天時祖望談吾郡山水之勝名士軒在明湖曾子固守郡時所作

漁洋山人精華錄卷五

門人監察御史崑山盛符升國子祭酒江陰曹禾同訂

候官門人林佶恭騰寫

第 35650 号

平成 3.11.22

聖和学

928

園短大

十

図書館

二

男啟涑恭閱

天正
三十一
年
六月
廿
二
日
書
局
印

印

